



五戶醫學  
圖書印

日中  
圖書印



醫說卷第五

大學東  
校與精

宋新安張景李明集

對心坎六亦命文二聖明江夏後學羅練鄧嘉校其

臨朋慈會首入因外燕山間命射所劉齋郁蓋錄

嗜心疾健忘

抑情順理

燕居暇日何所用心善養形神周防疾患常有謹畏  
無失調將食飲之間最為急務安危所繫智力可分  
與其畏病而求醫孰若明理以自求與其有病而治  
以藥孰若抑情而預治情斯可抑理亦漸明能任理  
而不任情則所養可謂善養者矣防患却疾之要其

在茲乎  
心疾  
韋綬李蟠俱以心疾廢蟠常疑遇毒鎖井而飲李益  
少而疑病心亦心疾也心靈府也為外物所中終身  
不痊多思慮多疑惑病之本也

驚氣入心

治驚氣入心絡暗不能語蜜陀僧研細服一匕許茶  
調服遂愈有人因伐薪山間為狼所逐而得是疾或  
授以此方亦愈又一軍尉採藤于谷逢惡蛇而疾其  
狀正同亦用此藥療之而愈

神志恍惚

韓宗武侍父官洋州得異疾與神物遇頗不省人事  
神志恍惚或食或不食國醫陳易簡教服蘇合香丸  
後數月所遇者忽不至

神氣不寧

明州董生患神氣不寧每卧覺身在床而神離體驚  
悸多魘通夕無寐許為診視詢諸醫作何證曰心病  
也許曰是肝經受邪非心病也肝藏魂者也將魂為  
變乎人肝不受邪故魂宿於肝神靜而得寐今肝經  
因虛邪氣襲之魂不歸舍是以卧則揚揚若去體肝  
主怒故小怒輒劇董喜曰前此未之聞雖未服藥已  
覺沉痾去體矣願求藥法許曰君且持此說與眾醫

議所治之方而徐質之閱旬日復至云醫偏議古今  
方書無與病相對者許乃為處真玆丸獨活湯二方  
以贈服一月而病悉除其方大體以珠母為君龍齒  
佐之珠入肝經為第一龍齒與肝同類故也龍齒虎  
睛今人例作鎮心丸而不知龍齒安魂虎睛定魄各  
言其類也龍能變化故魂遊而不定虎能專靜故魄  
止而有守當隨其宜而治之方載本事一卷

健忘詩

治心氣不足健忘詩云桂遠人三四天萐地亦同  
茯苓加一倍日誦萬言通迺官桂遠志人參巴戟天萐  
蒲地骨皮錄碎

忽不識字

松滋令姜愚無他疾忽不識字數年方稍稍復舊筆

治人心昏塞多忘喜誤

七月七日取蜘蛛網着衣領中勿令人知不忘草

治惡夢

錢丕少鄉忽夜多惡夢但就枕便成輒通夕不止後  
因赴官經漢上與鄧州推官胡用之相遇驛中同宿  
遂說近日多夢慮非吉兆胡曰昔嘗如此驚怕特甚  
有道士教戴丹砂初任辰州推官求得靈砂雙箭鏃  
者戴之不涉旬即驗四五年不復有夢至今秘惜因  
解髻中一絳紗袋遺之即夕無夢神魂安靜真誥及

他道書多戴丹砂辟惡豈不信然類編

麝枕

置麝枕中可絕惡夢物類相感志

癩疾

素問曰人生而病癩疾者安得知之岐伯曰病名為胎病此得之在母腹中時其母有所大驚氣上而不下精氣并居故令子發為癩也

又

癩狂之疾何以別荅曰狂之始發少卧少飢自賢自貴妄笑好樂

又

癩者精神不守言語錯亂甚則登高罵詈或至狂走癩者發則仆地嚼舌吐沫手足搖擗或作六畜之聲頃刻則蘇癩者邪入於陰經一曰陽併則狂癩者邪干於心其處方用藥亦皆相類

狂

凡人患癩往叫喚打人者皆心經有熱當用鎮心藥兼大黃與之瀉數日然後服安神及風藥但得寧靜即是安樂不可見其瘦弱減食便以溫藥補之病必再作戒之戒之緩緩調飲食可也御覽

魘不寤

人眠則魂魄外遊為邪鬼所魘屈其精神弱者魘則

久而不得寤乃至氣絕所以須傍人助喚并以方術治之低聲遠喚即活雞峯方

夢

墮

陰盛則夢涉大水恐懼陽盛則夢大火燔灼陰陽俱盛則夢相殺毀傷上盛則夢飛下盛則夢隨飽則夢子飢則夢取肝氣盛則夢怒肺氣盛則夢哭

卧而不寐

老人卧而不寐少壯卧而不寤何也少壯者血氣盛飢肉滑氣道通榮衛之行不失於常故晝日精夜不寤也老人血氣衰飢肉不滑榮衛之道瀆故晝日不能精夜不得寐也

小便如泔一男子小便如泔

一男子小便日數十次如稠米泔色亦曰心神恍惚瘦瘁食減以女勞得之服此桑螵蛸散末終劑而愈

安神魂定心志治健忘小便數補心氣桑螵蛸遠志菖蒲龍骨人參茯神當歸龜甲醋炙以上各一兩為末每服二錢夜卧入參湯調本草

夜魘之人急取梁塵內鼻中即醒戒以燈照之錄碎

道林曰暮卧常以手撫心上呪曰天靈節榮願得長生五臟君侯願且安寧男一七女二七遍長生不病

修真秘訣

桑葉止汗

嚴州山寺有且過僧形體羸瘦飲食甚少每夜就枕  
遍身出汗迨且衣服皆透濕如此二十年無復可療  
唯待盡耳監寺僧曰吾有藥絕驗為汝治之三日宿  
疾頓愈遂併授以方乃單用桑葉一味乘露採摘控  
焙乾細為末二錢空腹溫米飲調或值桑落乾者亦  
堪用但力不如新者按本草亦載桑葉主止汗其說  
可證辛 大驚發狂  
許叔微本事方云軍中有一人犯法視衣將受刃得

失

釋神天如癡予與驚氣元一粒服訖而寢及覺病已  
失矣江東張提轄妻因避寇失心已數年予授其方  
隨愈入黃山沃巡檢妻狂厥踰年更十餘醫而不驗  
予授其方去附子加鐵粉亦不終劑而愈鐵粉非但  
化涎鎮守至如推抑肝邪特異若多恚怒肝邪太盛  
鐵粉能制之之素間言揚厥狂怒治以鐵落金制木  
之意也

問

犯天麥毒

齊州有人病狂毒歌曰五靈華蓋曉玲瓏天府由成  
汝府中惆悵此情言不盡一丸蘿蔔火吾宮又歌曰  
踏陽春人間二月雨和塵陽春踏盡秋風起腸斷

起

間白髮人後遇一道士作法治之乃云夢中見一紅  
裳少女引入宮殿皆紅紫飾小姑今歌道士曰此正  
犯天麥毒女則心神小姑脾神也按醫經蘿蔔治麩  
毒故曰火吾宮即以藥拜蘿蔔食之遂愈洞微

夢遺

有人夢遺精初有所見後未雖夢中無所見日夜不  
拘常常走漏作心疾不足服心氣藥無驗作腎氣虛  
補腎藥亦無驗醫問患者覺腦冷否應之曰只為腦  
冷服驅寒散遂安蓋腦者諸陽之會髓之海腦冷則  
髓不固是以遺漏也有此疾者先去腦中風冷腦氣  
冲和兼服益心腎藥無不愈者

心脉溢關

王叔和脉訣論曰溢關骨痛心煩燥通真子解云心  
脉盛而溢關則筋緊而骨束是以骨痛師曰筋緊有  
筋攣之疾豈得骨痛所以心脉盛而骨痛者心屬火  
骨屬腎水心脉溢關則水不勝火煎熬得骨痛非筋  
緊也醫餘

瘖

黃帝問曰人有重身九月而瘖此為何也岐伯對曰  
胞之絡脉絕也帝曰何以言之岐伯曰胞絡者繫於  
腎少陰之脉貫腎繫舌本固不能言帝曰治之奈何  
岐伯曰無治也當十月復



人卧血歸於肝肝受血而能視足受血而能步掌受  
血而能握指受血而能攝黃帝問血脉

笑歌狂疾

開元中有名醫紀朋者觀人顏色談笑知病深淺不  
待診脉帝問之召於掖庭中看一宮人每日是笑歌  
啼號若狂疾而足不能履地朋視之曰此必因食飽  
而大促力頓仆於地而然乃飲以雲母湯令熟寐覺  
而失所苦問之乃言因大華公主載誕宮中大陳歌

聞

吹棊乃主謳懼其聲不能清且長喫棊蹄羹飽而當  
歌逆大曲曲罷覺胸中甚熱戲於砌臺上高而墜下  
久而方甦病狂足不能步也明皇雜錄  
齊王中子諸嬰兒小子病召臣意診切其脉告曰氣  
痛病病使人煩懣食不下時嘔沫病得之少憂數忤  
食飲意即為之作下氣湯以飲之一日氣下二月能  
食三日即病愈所以知小子之病者診其脉心氣也  
濁躁而經也此絡陽病也脉法曰脉未數疾去難而  
不一者病主在心周熱脉盛者為重陽重陽也

唐音心主故煩懣食不下則絡脉有過絡脉有過則血  
止出血上出死此悲心所生也病得之憂也史記  
古論論鬲氣乃有五種謂憂鬲志鬲氣鬲寒鬲熱鬲  
也夫胸中氣結煩悶飲食不下羸瘦無力此乃憂鬲  
心下食滿食不消化噫輒醋心大小便不利此名志  
鬲胸脇逆滿咽喉閉塞噫聞食臭此名氣鬲心腹脹  
滿欬逆腸鳴食不生肌此名寒鬲五心中熱口舌生  
瘡骨煩體重唇乾口燥背痛胸痺此名熱鬲  
此病不在外不在內不屬冷不屬熱不是實不是虛

所以藥難取效此病緣憂思恚怒動氣傷神氣積於  
內氣動則諸證悉見氣靜疾候稍平捫之而不得疾  
之所在目視之而不知色之所因耳聽之而不知音  
之所發故針灸服藥皆不獲效此乃神意間病也頃  
京師一士人家有此證勸令淨觀內外將一切用心  
力事委之他人服藥方得見效若不如是恐卒不能  
安但依此戒無之灼艾膏盲與四花疔及服此三藥  
可以必差孫真人云婦人嗜慾多於丈夫感病倍於  
男子加以慈戀愛憎嫉妬憂恚染着堅牢情不自抑  
所以為病根深療之難差鷓鴣方

五噎

噎病亦有五種氣噎食噎憂噎勞噎思噎噎者乃積  
塞不同心膈不利飲食不下也各隨其證而治之

廣五行記治噎疾永徽中絳州有僧病噎數年臨死  
遺言令破喉視之得一物似魚而有兩頭徧體悉是  
肉麟致鉢中跳躍不止以諸味投鉢中須臾悉化為  
水時寺中方刈藍作靛試取少靛致鉢中此蟲遠鉢  
畏避須臾化為水是以靛治噎疾

糠治卒噎

春杵頭細糠治卒噎陶隱居云食噎卒不下刮取含  
之即去亦是春擣義爾天下事理多有相影響如此

佗

也日華子云泮治噎煎湯

甲本  
草

病噎吐蛇

華佗行道見一人病噎嗜食而不得下家人車載欲  
往就醫佗聞其呻吟其駐馬往視語之曰向未道傍  
有賣餅家蒜虀大酢從取三升飲之病自當差即如  
佗言立吐蛇一條懸之車邊欲造佗佗尚未還佗家  
小鬼戲門前迎見自相謂曰客車邊有物必是逢我  
公也疾者前入見佗壁北懸此蛇輩以十數

食飴至噎

吳廷紹為太醫令烈祖因食飴喉中噎國醫皆莫能  
愈廷紹尚未知名獨謂當進楮實湯一服痰失去

餅  
兒

醫默識之他日取用皆不驗或扣之答曰瘧因詳錄  
故以楮實湯治之南唐書

百病生於氣

百病生於氣怒則氣上喜則氣緩悲則氣消恐則氣  
下寒則氣收炅則氣泄驚則氣亂勞則氣耗思則氣  
結九氣不生何病之有天地氣所生  
天地之數起於上而終於下歲半之前天氣主之歲  
半之後地氣主之上下交互氣交主之歲紀畢矣

氣虛氣逆

邪氣盛則實精氣奪則虛氣虛者肺虛也氣逆者足

寒也非其時則生當其時則死餘臟皆如此

有餘不足

神有餘有不足氣有餘有不足血有餘有不足形有  
餘有不足志有餘有不足凡此十者其氣不等百五

重虛

脉氣上虛尺虛是謂重虛

陽氣衰於下則為寒厥陰氣衰於下則為熱厥

五日謂之候五候謂之氣六氣謂之時四時謂之歲

六氣謂之六氣

六氣謂之六氣

雨

天氣通於肺地氣通於嗑風氣通於肝雷氣通於心  
谷氣通於脾兩氣通於腎六經為川腸胃為海九  
竅為水注之氣

胃氣五臟之本

五臟皆稟氣於胃胃者五臟之本臟氣不能自致於  
手太陰必因胃氣

四時五行五臟五氣

天有四時五行生長收藏以生寒暑燥濕風人有五  
臟化五氣以生喜怒哀悲恐故喜怒哀傷氣寒暑傷形  
暴怒傷陰暴喜傷陽

旦

春少壯日暮氣

平旦人氣生日中陽氣隆日西陽氣已虛氣閉已閉  
是故暮而收拒無擾筋骨無見霧露反此三時形乃  
困薄

四時之氣更傷五臟

春傷於風邪氣留連乃為洞泄木勝脾土故也夏傷  
於暑秋為瘧疾秋傷於濕上逆而發欬為痿厥冬傷  
於寒春必溫病四時之氣更傷五臟

五臟所藏

心藏神肺藏魄肝藏魂脾藏意腎藏志是為五臟所

藏

五臟所傷

久視傷血久卧傷氣久坐傷肉久立傷骨久行傷筋  
是為五臟所傷

心為五臟之脈  
肝脈弦心脈鈎脾脈代肺脈毛腎脈石是為五臟之

脈  
酸入肝辛入肺苦入心鹹入腎甘入脾是為五入

五惡  
思惡熱肺惡寒肝惡風脾惡濕腎惡燥是為五惡

五液  
五臟化液心為汗肝為淚肺為涕脾為涎腎為唾是

為五液  
五主  
心主脉肺主皮膚肝主筋脾主肉腎主骨是為五主

五禁  
辛走氣氣病無多食辛鹹走血血病無多食鹹苦走

骨骨病無多食苦甘走肉肉病無多食甘酸走筋筋

病無多食酸是為五禁

汗出於心持重遠行

汗出於腎疾走恐懼汗出於肝搖體勞苦汗出於脾

體有可已之疾

贅

孫思邈居太白山於推步醫藥無不善盧照隣有患  
病不可為而問曰高醫愈疾奈何答曰天有四時五  
行寒暑迭居和為雨怒為風凝為霜雪張為虹蜺天  
常數也人之四肢五臟一覺一寐吐納往來流為榮  
衛張為氣色發為聲音人常數也陽用其形陰用其  
精天人所同也失則蒸生熱否生寒結為瘡贅陷為  
癰疽奔則喘乏竭則焦稿發平而動乎形天地亦然  
五緯縮羸字彗飛流其危診也寒暑不時其蒸否也  
石立土坼是其贅疣山崩土陷是其癰疽奔風暴雨  
是其喘乏川瀆竭涸是其焦槁高醫導以藥石投以  
乏劑聖人和以至德輔以人事故體有可已之疾天

破

愈

有可救之灾書 愈之其益甚矣  
消渴 渴服八味丸  
千金云消渴病所忌者三一飲酒二房室三鹹食及  
麵能忌此雖不服藥亦自可消渴之人愈與未愈常  
須慮患大癰必於骨節間忽發癰疽而卒予親見友  
人邵任道患渴數年果以癰疽而死唐祠部李即中  
論消渴者腎虛所致每發則小便甜醫者多不知其  
疾故古今亦闕而不言洪範言稼穡作甘以物理推  
之淋錫醋酒作脯法須更即皆能甜也足明人食之  
後滋味皆甜流在膀胱若腰腎氣盛是為真火上炎

脾胃變化飲食分流水穀從二陰出精氣入骨髓  
榮衛行血脈榮養一身其次以為脂膏其次以為血  
肉也其餘則為小便故小便色黃血之餘也腦氣者  
五臟之氣鹹潤者則下味也腰腎既虛冷則不能蒸  
於穀氣則盡下為小便故味耳不變其色清冷則肌  
膚枯槁也猶如乳母穀氣上泄皆為乳汁消渴病者  
下泄為小便皆精氣不實於內則小便數澀弱也又  
肺為五臟華蓋若下有煖氣蒸則肺潤若下冷極則  
陽氣不能升故肺乾即渴易於否卦乾上坤下陽無  
陰而不降陰無陽而不升上下不交故成否也譬如  
釜中有水以火煖之其釜若以板覆則煖氣上騰故

大  
板能潤也若無火力水氣則不能上此板則終不能  
潤也火力者則是腰腎強盛也常須煖補腎氣飲食  
得火力則潤上而易消亦免乾渴也故張仲景云宜  
服腎氣八味元此病與脚氣雖同為腎虛所致其脚  
氣始發於二三月盛於五六月衰於七八月凡消渴  
始發於七八月盛於十一月十二月衰於二三月其  
故何也夫脚氣壅疾也消渴宣疾也春夏陽氣上故  
壅疾發則宣疾愈秋冬陽氣下故宣疾發則壅疾愈  
也審此二者疾可理也猶如善為政者寬以濟猛猛  
以濟寬隨事制度爾仲景云足太陽者膀胱之經也  
膀胱者腎之府小便數此為氣盛氣盛則消穀大便



元  
硬衰則為消渴也男子消渴飲一斗而小便亦得六  
斗宜八味腎氣元林事景云又太稠者難化之堅少  
眉山有揭穎臣者長七尺健飲啖侗儻人也忽得消  
渴疾日飲水數斗食常倍而數溺消渴藥服之逾年  
疾日甚自度必死治棺衾屬其子於人蜀有良醫張  
鉉隱之不記其名為診脈笑曰君幾誤死矣取麝香  
當門子以酒濡之作十許丸取枳枸子為湯飲之遂  
愈問其故張生曰消渴消中皆脾衰而腎敗土不能  
勝水腎液不上沝乃成此疾今診穎臣脾脈極臣脈  
熱而腎不衰當由果實與酒過度虛熱在脾故飲食

担  
兼人而多飲飲水既多不得不多溺也非消渴也麝  
香能散酒瓜果近輒不結而枳枸亦能勝酒屋外有  
此木屋中釀酒不熟以其木為屋其下亦不可釀酒  
故以二物為藥以去酒果之毒宋玉云枳枸未巢以  
其實如鳥乳故能未巢今俗訛謂之雞矩子亦為之  
癩漢指頭蓋取其似也嚼之如牛乳小兒喜食之全  
昔有仕宦消渴醫者謂其不過三十日死棄官而歸  
半途遇一醫人令急遣人致北梨二担食盡則差仕  
宦如其言得之才渴即食未及五六十枚而病止  
仲景治渴

提點鑄錢朝奉郎黃沔久病渴極疲瘁予每見必勸  
服八味元初不甚信後累醫不痊謾服數兩遂安或  
問渴而以八味丸治之何也對曰漢武帝渴張仲景  
為處此方蓋渴多是腎之真水不足致然若其勢未  
至於消但進此劑殊佳且藥性溫平無害也泊宅編  
浮石止渴  
交州記曰浮石體虛而輕煮飲止渴藥珠  
苦酒消渴去飲  
卞蘭苦酒消渴時魏明帝信巫女用水方便人持水  
賜蘭蘭不肯飲詔問其意蘭言治病自當以方藥何  
信於此帝為變色而蘭終不服志

瘧

熱中消中富貴人  
多飲數溲曰熱中多食數溲曰消中多喜曰癩多怒  
曰狂熱中消中皆富貴人也  
心腹痛淋附  
心藏神心者身之主也其正經為風邪所乘名真心  
痛且發夕死夕發且死心有包絡脉是心之別脉為  
風冷所乘亦令心痛然乍輕乍盛不至於死又手少  
陰心之經其氣逆謂之陽虛陰厥亦令心痛其痛引  
喉是也其心下急痛名脾心痛腹脹而心痛名胃心  
痛下重而苦泄寒中為腎心痛又有九種心痛一

背

三症三風四悸五食六飲七冷八熱九去來痛此皆  
 邪氣乘於手少陰之絡邪氣搏於正氣邪正相擊故  
 令心痛診其心脈急者為痛引皆食不下寸口脈沉  
 緊苦心下寒時痛關上脈緊心下苦痛左手寸脈沉  
 則為陰陽絕者無心脈也苦心下毒痛雞峯  
 有人患腹痛其狀不一有風痛熱痛有冷痛有冷積  
 痛有氣積痛有蟲痛有婦人經脈行而先腹痛有小  
 兒瘡疹出而先腹痛者滿腹虛服煖藥無效者此風  
 痛也宜服官局胃風湯火炊草丸如附子烏頭之類  
 大便秘結小便赤而喜冷飲食者此熱痛也後生宜

四順飲老人宜服大麻仁丸皆局方有塊起而腹痛  
 者此積也冷積則面無色瘦瘁脈沉伏宜於煖藥中  
 用巴豆如官局積氣丸之類氣積多噫氣宜服嘉禾  
 散調氣散五鬲寬中散如茴香丁香木香沉香之類  
 食積則多噫酸口出清水惡心宜服京三稜蓬朮乾  
 漆之類亦須兼巴豆至於腹中有塊起急以手按之  
 便不見五更心嘈牙關齧硬惡心而清水出及夢中  
 齧齒者此謂之蟲痛宜服官局化蟲元如史君子之  
 類又有室女婦人月經行先腹痛此特與諸痛不同  
 只可服四物湯小兒身熱足冷耳及尻骨冷及眼澀  
 者皆瘡疹候必先腹痛蓋疹子先自腸胃中出然後

發於外宜服葛根升麻湯及綿煎散之類舒三解痛  
字云宜通而塞則為痛此極有理凡痛須通利臟腑  
乃能隨其冷熱而須用巴豆大黃牽牛此最要法醫  
大瀉腹痛

有人每日早起須大瀉一行或時腹痛或不痛空心  
服熱藥亦無效後有智者察之令於晚食前更進熱  
藥遂安如此常服竟無恙蓋煖藥雖平旦空服至晚  
藥力以過一夜陰氣何以敵之於晚間再進熱藥則  
一夜煖藥在腹遂可以勝陰氣凡治冷疾皆如此  
暑月破腹  
一曰傷暑二曰傷冷物食瓜果飲水之類三曰夏季

心火旺心經熱則小水不利行大腸謂之水穀不分  
傷暑而瀉者心燥頭痛作渴宜服香薷飲烏金散傷  
冷物而瀉者腹痛水瀉穀食不化宜服煖藥如附子  
及理中丸二氣丹正元丹紫蘇丸之類水穀不分者  
宜服大順散五苓散二藥專分清濁暑月多此疾故  
人多用之凡瀉不可急以熱藥止之恐成痢上

小腹痛

治胃氣小腹痛切痛元豐中丞相王郇公小腹痛不止  
宣差太醫攻治倍至皆不效凡藥治熱如附子硫黃  
五夜丸之類用之亦不差馱馬張都尉令取婦人  
油頭髮燒如灰細研篩過温酒調二錢即時痛止

真心痛

頭心之病有厥痛有真痛手三陽之脉受風寒則名厥頭痛入連在腦者名真頭痛其五臟氣相于名厥心痛其痛甚但在心手足青者名真心痛其真心痛者旦發夕死夕發旦死

脾疼

張思順盛夏調官都城苦熱食冰雪過多又飲木瓜漿積冷于中遂感脾疼之疾藥不釋口殊無退證累歲日齋一道人適一道人曰我受官人供固非所惜但取漢椒二十一粒浸於漿水盆中一宿漉出還以水漿吞之若是而已張如所戒明日椒才下腹即脫

然更不復作

類編

冰煎理中元

泗州楊吉老名醫也

徽廟常苦脾疾國醫進藥俱

不效遂召吉老診視進藥

徽廟問何藥吉老對以

大理中丸

上云朕服之屢矣不驗吉老曰臣所進

湯使不同

陛下之疾以食水太過得之今臣以冰

煎此藥欲已受病之原果一二服而愈

錄碎

心痛食地黃麵

崔元亮海上方治一切心疼無問久新以生地黃一味隨人所食多少搗取汁搜麵作餅或作冷淘食之良久當利出蟲長一尺許頭似辟宮後不復患

禹錫傳信方貞元十年通事舍人崔抗女患心疼氣絕遂作地黄冷淘食之便吐一物可方一寸以未如蝦蟇狀無目足等微似有口蓋為此物所食自此頓愈麴中忌用鹽林事

膀胱氣痛

歙縣尉宋旬甫膀胱氣作痛不可忍醫者以剛劑與之痛愈甚溲溺不通三日許學士視其脉曰投熱藥太過適有五苓散一兩分為三易其名用連鬚葱一莖面香及鹽少許水一盞半煎七分連服之中夜下小便如黑汁一二升劑下寬得睡明日脉已平續用硃砂丸數日愈蓋是疾本因虛得不宜驟進補藥邪

實

之所湊其氣必虛留而不去其病則實故先滌所蓄之邪然後補之林事

砂石淋

鄞縣尉耿夢得妻苦砂石淋十三年每溺時罌中剝剥有聲痛楚不堪說命採苦杖根俗呼為杜牛膝者淨洗碎之凡一合用水五盞煎耗其四而留其一去滓以麝乳香末少許研調服之一夕愈上同

頭垢治淋

頭垢主淋閉不通又主噎亦治勞復林事

諸瘡

瘡名不同

病者發寒熱一歲之間長幼相若或染時行變成寒熱名曰疫瘧寒熱日作寤寐不祥多生恐怖名曰鬼瘧宜用禁避厭禳之乍寒乍熱乍有乍無南方多病此名曰瘴瘧寒熱善飢而不能食食已支滿腹急疴痛病以日作名曰胃瘧六腑無瘧唯胃有者蓋飲食飢飽所傷胃氣而成世謂之食瘧飲食不節變成此證有經年不差差後復發遠行久立下至微勞力皆不任名曰勞瘧亦有數年不差百藥不斷結為癥瘕在腹脇名曰老瘧亦名母瘧

說文曰瘧寒熱拜作也疢熱瘧也疾二日一發

凡人患瘧疾皆因傷暑治之之法當用暑藥素問瘧論有三陰三陽辨其證候各隨經而刺之寒多者用溫藥熱多者用涼藥不易之法也有積者必腹疼當用巴豆藥去其積有熱者當用小柴胡湯有寒者當用硃砂礞黃大蒜之類然瘧疾往後不得服補藥補之必再作

驢軸治瘧

瘧瘧無久新發無期者驢尾下軸垢水洗取汁和麩如彈丸二枚作燒餅瘧未發前食一枚至發後食一枚

枚

疔疾

毛定甫事母葉夫人極孝葉年六十一歲病疔旬餘  
憂甚每夕禱於北辰拜且泣妹立母傍恍惚間有告  
者曰何不服五苓散持一貼付之啓視皆紅色妹曰  
尋常此藥不如是安可服俄若夢覺以語兄兩醫云  
此病蓋蘊熱所致當加硃砂於五苓散內以應神言  
才服罷疔不復作

有宗室以恩添差通判常州郡守不甚加禮遂苦疔  
疾久而弗愈族人士遽為鈐轄素善醫往問正聚話  
疔作而顛感掖不醒盡室駭懼遽云無傷也是中心

抑鬱陰陽交戰至於損厥正四將軍飲子證也先令  
灼艾灸至四百壯了無蘇意於是急製藥以一大附  
子火炮去皮臍四分之一訶子四箇炮去核陳皮四箇  
全者洗淨不去白茸草四兩炙各自切碎為四服用  
水二盞薑棗各七煎去五之三藥成持飲病者初一  
杯灌之不納至再稍若吞嚥三則倏起坐四服盡頓  
愈更不復作一時救急如此此病疔臨發日逐杯併  
服無不神效

瘡疾

瘡之病候經論載之詳矣先寒後熱名曰寒瘡先熱  
後寒名曰溫瘡但熱無寒名曰痺瘡但寒無熱名曰



牝瘡是皆發作有時若邪氣中於風府則間日而作邪氣客於頭項則頻日而作氣有虛實邪中異所故有早晚之異然經止論寒溫瘡瘡所受之因而不及牝瘡又論溫瘡瘡所舍之藏而不及寒瘡意有互相發明處學者究陰陽之盛衰深思以得之大抵風者陽氣也寒者陰氣也先傷於風後傷於寒即先熱後寒先傷於寒後傷於風即先寒後熱陰氣先絕陽氣獨發則但熱無寒陽氣先絕陰氣獨發則但寒無熱以溫瘡得之於冬邪氣藏於骨髓則知寒瘡乃得之於夏邪氣客於皮膚腠理之間矣以瘡瘡之氣實而不泄且不及於陰則知牝瘡乃氣虛而泄且不及

瘦 矣

於陽矣是皆不出於陰陽上下交爭虛實更作也又有挾諸溪毒嵐瘴鬼邪之氣亦寒熱羸瘦延引歲月休作有時久不已變成勞瘡或結為癥瘕者名曰瘡母至於五臟三陽三陰瘡者皆因臟氣偏虛故邪氣乘而舍之其治法合隨其經絡灸刺及所用藥各不同後學宜細詳之

類編同上

病有不可補者

病有不可補者一曰瘡疾二曰狂疾三曰水氣四曰脚氣此四疾治得稍愈切不可服煖藥以峻補之如平平補藥亦須於本病上有益乃可

醫餘

癥瘕

癥瘕之狀雖同而不動者為癥其治有法而推移者  
名瘕瘕病輕於癥瘕不動者必死之候其發語聲嘶  
挹言語而不出此人食結在腹其病寒口中常有水  
出四支洒洒如瘡飲食不能鬱鬱而痛此食瘕也

### 遺積瘕

齊中尉潘滿如病小腹痛臣意診其脉曰遺積瘕也  
臣意即謂齊大僕臣饒內使臣絲曰中尉不復自止  
於內則三十日死後二十餘日洩血死病得之酒且  
內所以知潘滿如病者臣意切其脉深小弱其卒然  
合合也是脾氣也右脉氣口至緊小見瘕氣也以次  
相乘故三十日死三陰俱搏者如法不俱搏者決在

瘕

急期一搏一代者近也故其三陰搏洩血如前止記

### 蟻瘕音

臨苗女子薄吾病甚衆醫皆以為寒熱當死臣意診  
其脉曰蟻瘕為病腹大上膚黃麤循之戚戚然臣意  
飲以芫花一撮即出蟻可數升病已三十日如故蟻  
得之於寒濕寒濕氣鬱篤不發化為蟲臣意所以知  
薄吾病者切其脉循其尺其尺索刺麤而毛美奉髮  
是蟲氣也其色澤者蟲藏無邪氣及重病記

### 蛇瘕

隋有患者嘗飢而吞食則下至胸便即吐出醫在壹  
疾鬲氣翻胃三候治之無驗有老醫任度視之曰非

此三疾蓋因食蛇肉不消而致斯病但揣心腹上有蛇形也病者曰素有大風嘗求蛇肉食風稍愈後患此疾吳遂以芒消大黃合而治之微泄利則愈醫皆記其驗而知蛇瘕也

米瘕

乾德中江浙間有慎恭道者肌瘦如勞唯好食米爛之類口中清水出情似憂思食米頓便如常眾醫不辯後遇蜀僧道廣處方以雞屎及白米各半合其炒如末以水一中盞調頓服良久病者吐出如米形遂差病源謂米瘕是也

髮瘕

共

徐文伯字德秀篤好醫術宋明帝宮人患腰痛牽心幾則氣絕眾醫以為肉瘕文伯視之曰此髮瘕也以油灌之即吐物如法稍長引之長三尺頭已成蛇又能搖動懸柱上水瀝盡唯餘一髮而已遂愈名醫錄同上

斛二瘕

續搜神記有人能飲茗至一斛二斗忽飲過量數升吐出一物如牛肺以茗澆之容一斛二斗因名曰斛二瘕演見

食髮致瘕

唐書曰甄權弟立言善醫時有尼明律年六十患心腹膨脹身體羸瘦已經二年立言診其脉曰腹內

有蟲當是誤食髮為之耳因令服雄黃須臾吐一蛇  
如人小手指唯無眼燒之猶有髮氣其疾乃愈

癩

異苑曰章安有人元嘉中噉鴨肉乃成癩病胸滿面  
赤不得飲食醫令服秫米須臾煩悶吐一鴨雛身喙  
翅背已成就唯左脚故綴昔所食肉病遂獲愈怪  
曰有人得癩病腹晝夜切痛臨終勅其子曰吾氣絕  
後可剖視之其子不忍違言剖之得一銅酒鎗容數  
合許華佗聞其病而解之使出巾櫛中藥以投鎗即  
銷成酒焉太平御覽同

銷成酒焉覽同

試

景陳弟長子拱年七歲時脇間忽生腫毒隱隱見皮  
裏一物頗肖鼈形微覺動轉其掣痛不堪忍德興古  
城村外有醫曰紅豆齋見之使買鮮鰕為羹以食咸  
疑以為瘡毒所忌之味醫竟令食之下腹未久痛即  
止喜曰此真鼈癩也吾求其所好以嘗試之爾乃合  
一藥如療脾胃者而碾附子末二錢投之數服而消  
明年病復作但如前補治遂絕根本續

鼈癩

鼈癩者謂腹中癩結如鼈狀是也有食鼈觸冷不消  
而生者亦有食諸雜肉得冷變化而成者皆肉烟也  
氣虛弱而遇冷則不能尅消所致癩言假也謂其有

形假而推移也昔曾有人共奴俱患鼈瘕奴在前死  
遂破其腹得一白鼈仍故活有人乘白馬未幾鼈首  
馬遂尿隨落鼈上即縮頭及尋以馬尿灌之即化為  
水其主曰吾將差矣即服之果如其言得差病源

瘕瘕

夫瘕瘕之病大同而小異瘕者近臍左右成條大者  
如臂次者如弦之狀瘕在兩脇之間有時而痛此皆  
由陰陽不和經絡否隔飲食停滯不得宣流邪冷之  
氣搏結而成也

鷄峯方

京三稜治瘕瘕

昔人患瘕瘕死遺言令開腹取之得病塊乾硬如石

文理有五色人謂異物竊取削成刀柄後因以刀刈  
三稜柄消成水知此可療瘕瘕也

諸蟲

應聲蟲

永州通判廳軍員毛景得奇疾每語喉中必有物作  
聲相應有道人教令學誦本草藥名至藍而默然遂  
取藍揆汁而飲之少頃吐出肉塊長二寸餘人形悉  
具劉寰子思為永倅景正被疾踰年親見其愈

又

陳正敏遜齋閑覽載楊勛中年得異疾每發言喉中  
腹中有小聲效之數年間其聲浸大有道士見而驚

曰此應聲蟲也久不治延及妻子宜讀本草遇蟲不  
應者當取服之劬如言讀至雷凡蟲忽無聲乃服  
數粒遂愈正敏其後至長沙遇一丐者亦有是疾環  
而觀之甚衆因教使服雷凡丐者謝曰某貧無他技  
所以求衣食於人者唯籍此爾以上皆陳所記子讀  
唐張鷟朝野僉載云洛州有士人患應聲語即喉中  
應之以問良醫張文仲張經夜思之乃得一法即取  
本草令讀之皆應至其所畏者即不言仲乃錄取藥  
合和之為丸服之應時而止乃知古有是事百衲居  
士鐵圍

山叢  
語

### 蛇蟲

蛇蟲九蟲之數人腹中皆有之小兒失乳而哺早或  
食甜過多胃虛蟲動令人腹痛惡心口吐清水腹上  
有青筋火煨史君子與食以殼前湯送下甚妙然世  
人多於臨卧服之又無日分多不驗唯是於月初四  
五間五更而服之至日午前蟲盡下可以和胃温平  
藥一兩日調理之不可多也凡蟲在人腹中月上旬  
頭向上中旬橫之下旬頭向下故中下旬用藥即不  
入蟲口所以不驗也牛馬之生子上旬生者行在母  
前中旬生者並肩而行下旬生者後隨之猫之食鼠  
亦然上旬食上段中旬中段下旬下段自然之物  
皆由之而莫知之餘

五臟之蟲

心蟲曰蛔脾蟲寸白腎蟲如寸截絲縷肝蟲如爛杏  
肺蟲如蠶皆能殺人惟肺蟲為急肺蟲居肺葉之內  
蝕人肺系故成癆疾咯血聲嘶藥所不到治之為難  
有人說道藏中載諸蟲皆頭向下唯自初一至初五  
以前頭上行故用藥者多取月朏以前蓋此也如癆  
寸曰用良方錫沙蕪莢檳榔者極佳五更服蟲盡下  
白粥將息藥用石榴根濃汁半升下散三錢凡五枚  
本事方

九蟲之狀

九蟲者一曰伏蟲長四分為群蟲之長二曰白蟲長

一寸相生至多其母長至四五尺則殺人三曰肉蟲  
狀如爛杏令人煩滿四曰肺蟲其狀如蠶令人咳五  
曰胃蟲狀如蝦蟇令人吐逆嘔噦六曰弱蟲狀如瓜  
瓣令人多唾七曰赤蟲狀如生肉令人腸鳴八曰蛭  
蟲至微細狀如菜蟲居洞腸間多則為痔漏癰疽諸  
瘡無所不為九曰蛇蟲長一尺貫心則殺人又有尸  
蟲與人俱生狀如大馬尾或如薄筋依脾而屈長三  
寸許大害於人然多因臟虛寒勞熱而生

諸蟲入耳  
蟲之類能入耳者不獨蚰蜒如壁虱螢火扣頭  
角蟲皆能為害有人患腦痛為蟲所食或教以桃葉

為梳一夕蟲自鼻出形為鷹嘴人莫識其名有人蚰  
蜒入耳遇其極時以頭撞柱至血流不知止痒甚不  
可忍蚰蜒入耳往往食髓至盡又能滋生凡蟲入耳  
用生油灌妙避齋

誤吞水蛭

吳少師在關外嘗得疾數月間飢肉消瘦每日飲食  
下咽少時腹如萬虫攢攻且痒且痛皆以為勞瘵也  
張銳是時在成都吳遣驛騎招致銳到興元既切脉  
戒云明日早且忍飢勿啖一物俟銳未為之計且而  
往天方劇暑曰請選一健卒趨往十里外取行路黃  
土一銀盃而令厨人旋治麵將午乃得食纔放筋取

土適至於是温酒二升投土攪其內出藥百粒進於  
吳飲之覺腸胃掣痛幾不堪任急登溷銳密使別坎  
一穴便披吳以行須臾暴下如傾穢惡斗許有馬蝗  
千餘宛轉盤結其半已困死吳亦備甚扶憩竹榻上  
移時方餐粥一盞三日而平始言去年正以夏夜出  
師中途燥渴命候兵持馬盃挹澗水甫入口似有物  
焉未暇吐之則徑入喉矣自此遂得病銳曰蟲入人  
肝脾裏勢須滋生常日遇食時則聚丹田間吮啞精  
血飽則散處四肢苟惟知殺之而不能掃盡故無益  
也銳是以請公枵腹以誘之此蟲喜酒又久不食土  
味乘飢畢集故一藥能洗空之耳吳大喜厚賂以金



庚

帛送之歸志

寧國衛承務者唯一子忽得疾羸瘦如削醫以為療疾治療無益醫劉大用問其致疾之因曰嘗以六月飲娼家醉卧卓上醒渴求水不得前有菖蒲盆水清潔舉而飲之自是疾作劉默喜密遣僕掘田間淤泥以水泛濯取清汁兩盃置几上令隨意飲衛子素厭疾苦不能以穢為嫌一飲而盡俄腸胃間攻轉攪刺久之始定續投以宣藥白粒隨邱洞泄下水蛭六十餘條便覺襟抱豁然劉曰此乃盆中所誤吞也蛭入人腹籍膏血滋養蕃育種類每粘着五臟牢不可脫

几

百即

抱

然久去汗濕思其所嗜非以此物致之不能集也然  
疰羸別以藥調補類編

又

有人因醉薄暮渴飲道傍田水自此忽患胸腹脹滿遍醫不效人亦莫識其病因幹宿客邸夜半思水飲令僕覓之僕夜捫索見有缸數隻疑店主以此貯水遂取一椀與其主飲便覺胸次豁然再索之忽覺臟腑急於店反空地大瀉一二行平明視之所瀉乃水蛭無數繼看夜未所飲缸水乃主人刈藍作靛者其病頓愈方思前時渴飲田水不覺誤吞水蛭在腹遂成脹痛之疾乃蛭為害今人耘田為此虫所齧以靛

塗之無不愈也

趙子山字景高寓居邵武軍天主寺苦寸白蟲為梳

醫者戒云是疾當止酒而以素所耽嗜欲罷不能一

夕醉於外舍歸已夜半口乾咽燥倉卒無湯飲適廊

廡間有甕水月色下照瑩然可掬即酌而飲之其井

如飴連盡數酌乃就寢迨曉虫出盈席覺心腹頓寬

宿疾遂愈一家皆驚異驗其所由蓋寺僕日織草履

浸紅藤根水也

唐志

掘石榴東引根皮洗曝搗細不兼他味隔宿虛其腹

凌晨温酒調服妙

云人皆有二尸

祭定夫戡之子康積苦寸白為孽醫者使之碾檳榔

細末取石榴東引根煎湯調服之先炙肥猪因一大

鬻實口中嚙咀其津膏而勿食云此虫惟月三日以

前其頭向上可用藥攻打餘日即頭向下縱有藥皆

無益蟲聞肉香咂啖之意故空群爭赴之覺胸中如

萬箭攻攢是其候也然後飲前藥蔡悉如其戒不兩

刻腹中雷鳴急奏廁蟲下如傾命僕以杖挑撥皆聯

綿成串幾長數尺尚蠕蠕能動舉而拋於溪流宿恙

頓愈始廣其傳以濟後人

融金誤吞蜈蚣

有村店婦人因用火筒吹火不知筒中有蜈蚣藏焉  
用以吹火蜈蚣驚迸竄入喉中不覺下胸臆婦人求  
救之無措手適有人在傍云可取小猪兒一箇切斷  
喉取血令婦人頓喫之須臾以生油一口灌婦人遂  
惡心其蜈蚣衣在血中吐出繼與雄黃細研水調服  
遂愈

蚰蜒及百蟲入耳

蚰蜒入耳取驢乳灌耳中當消成水百蟲入耳以桃  
葉火熨之卷而塞耳中立出

尸蟲

惡

柳子厚罵尸蟲文云人皆有三尸蟲處之腹中伺隱  
微失誤輒籍記日庚申幸其人之昏睡出讒於帝以  
求饗以是人多謫過疾癘夭死而醫經亦云能與鬼  
靈相通常接引外邪為患害其發作之狀或沉沉默  
默不的知其所苦而無處不惡或腹痛脹急或礫塊  
踊起或牽引腰脊或精神雜錯變證多端其病大同  
而小異

雞峯方

酒蟲

齊州士曹席進孺招所親張彬秀才為館舍彬嗜酒  
每夜必寘數升於床隅一夕忘設焉夜半大渴求之  
不可得忿悶呼躁俄頃嘔吐一物於地且起視之是



生硬果菜油膩甜食相犯亦不至生病也

辯臟腑下利

病水洩青白或黃白或米穀不化腸鳴腹痛者此傷冷也為洞泄寒中又為霍亂吐瀉其脉細弱而緊宜理中丸平胃散調中湯以溫補之盛則金液丹朝真丹主之或藥入則吐出者內陰盛也用湯者當以冷服用丸者以地漿服熱因寒用之法也

病水泄下深黃及有完穀小便赤腹脇但脹滿而不痛煩燥悶亂渴而喜飲者此傷熱也為挾熱下利其脉洪大而數宜駐車元參連散藍皮湯以和之甚則三黃元調胃承氣湯挾熱下血者藍皮湯主之

病洩瀉色黃而有沫腸鳴腹脇脹滿時微作痛者為冷熱不調其脉沉急而小數也服熱藥則轉甚戊己丸香連丸主之下部注悶裏急後重者必欲變膿血利之則愈

病暴泄注下或青白或黃白米穀或化或不化腹脇或脹或不脹或痛或不痛但噫生熱氣全不思食因與溫補諸藥而後轉有異證者有所傷也此為飧泄其脉外虛內實關脉沉且急也宜消積丸不二丸以化之甚則用備急丸主之右不二元用此不可多服曾見醫用有害又春傷以風夏必飧泄又風氣行於腸胃則暴泄下利其脉浮緩而虛也并宜服薤活安中湯胃風湯荆

淹

黃湯訶黎勒散主之  
病赤白下利或膿多血少或膿少血多皆為有積或  
先挾熱泄瀉更服溫藥因變膿血下利關脈沉緊按  
之有力而小疾也并宜先與消化積滯才微利過即  
以香連丸駐車丸戊己丸便愈化積滯用消積丸不  
二丸感應丸泄延惡利用朱粉丹主之集驗方  
治赤白痢  
有人久患痢赤白兼下或純白或純赤百藥不愈者  
病久服藥已多治痢多用毒藥攻擊得臟氣不和所  
以難愈史戴之用輕清和氣藥與之遂愈後未屢有  
驗其方用罌粟殼蜜炙人參白朮白茯苓川芎甘草

上

炙黃芪等分為細末二錢水一盞生姜棗烏梅半箇  
煎八分溫服不以時  
久患泄瀉  
有人久患泄瀉以煖藥補脾及分利小水百種治之  
不愈醫診之心脈獨弱以益心氣藥補脾藥服之遂  
愈蓋心火也脾上也火生土脾之旺賴火燥之心氣  
不足則火不燥脾土受濕故令泄瀉令益心補脾而  
又能去濕豈有不效者  
又有一種泄瀉作冷作積作心氣不足治之及服硫  
黃附子甚多皆不效因服火枚丸而愈此腸胃有風  
冷也胃風湯兼煖藥亦佳

局

又有一種脾泄瀉服大山老李灸肝散而愈乃白芷  
白朮白芍藥桔梗四味也醫餘  
凡人患痢不問赤白脉小身涼者亦安脉大身熱者  
難差患痢未有不腹痛者皆緣有積也暑積及熱積  
多患赤痢冷積多患白痢亦有腸胃有風而患赤痢  
者冷熱不調而患赤白痢者暑積痢可用黃連阿膠  
丸綿煎散加滑石白痢可用駐車丸感應凡之類冷  
熱不調用戊己丸巴豆丸之類綿煎散入滑石治赤  
痢極有功又有豆飲子加減亦有功治諸般痢用之  
每有效官局靈砂丹亦甚奇此數藥自夏及秋皆不

可關也

同上

嬰粟治痢

治痢以嬰粟古方未聞今人所用雖其法小異而皆  
有奇功或用數顆慢火炙黃為末米飲下或去粟用  
殼如上法或以殼五七枚甘草一寸半生半炙大椀  
水煎取半椀温温呷蜀人山叟曰用殼拜去核鼠查  
子各數枚焙乾末之飲下尤治禁口痢治定  
車前止暴下

夫 夫 治

歐陽文忠公常得暴下國醫不能愈天人云市人有  
此藥三文一貼甚效公曰吾輩臟腑與市人不同不  
可服天人使以國醫藥雜進之一服而愈召賣藥者

穀

厚遺之求其方乃肯傳但用車前子一味為末米飲下二錢七云此藥利水道而不動氣水道利則清濁分設臍自止矣旅暴下國醫不謂愈天八云市人亦

姜茶治痢

憲宗賜馬總治瀉痢腹痛方以生薑和皮切碎如粟米用水一大盞拜草茶相等煎服之元祐二年文潞公得此疾百藥不效而子傳此方而愈同上

二藥治痢

鄂渚有統制王存病痢幾年無休無息骨立垂死逢道人令煎四物湯下駐車圓每服一百粒初服此藥咸半併服之不數日頓愈近世養生方

剗

治臍膈

肉荳蔻剗作甕子入通明乳香少許復以末塞之不盡即用麵和少許裹荳蔻煨焦黃為度三物皆碾末仍以茶末對烹之大全

半夏益脾止瀉

半夏今人惟知去痰不言益脾蓋能分水故也脾惡濕濕則濡而困困則不能制水經曰濕勝則瀉一男子夜數如廁或教以生薑一兩碎之半夏湯洗與大棗各三十枝水一升甕瓶中慢火燒為熟水時時呷數日便已

乳煎華撥治氣痢



獨異志唐貞觀中張寶藏為金吾長上嘗因下直歸  
櫟陽路逢少年畎獵割鮮野食倚樹嘆曰張寶藏身  
年七十未嘗得一食酒肉如此者可悲哉傍有僧指  
曰六十日內官登三品何足歎也言訖不見寶藏異  
之即時還京師時太宗苦於氣痢衆醫不效即下詔  
問殿廷左右有能治此疾者當重賞之寶藏曾因其  
疾即具疏以乳煎華撥方上服之立差宣下宰臣與  
五品官魏徵難之逾月不進擬上疾復發問左右曰  
吾前飲乳煎華撥有功復命進之一啜又平因思曰  
嘗令與進方人五品官不見除授何也證懼曰奉詔  
之際不知文武二吏上怒曰治得宰相不妨已授三

品官我天子也豈不及汝耶乃厲聲曰與三品文官  
授鴻臚寺卿時正六十日矣其方每服用牛乳半升  
華撥三錢匕同煎減半空腹頓服

臟腑秘澁

老人臟腑秘澁不可用大黃老人津液少所以秘澁  
更服大黃以瀉之津液皆去定須再秘甚於前只可  
服寬潤大腸之藥如養生必用方二仁凡是也更用  
槐花末煎湯淋洗亦妙風藥燥腸又看一種風秘者  
當用檳榔七聖凡雖有大黃斟酌服之勿令泄可也  
又有婦人產後大便秘澁四五日六七日不通者出  
血已多津液少也濃煎紫蘇湯飲一兩盞自通更一

有

日不通服局方大麻仁凡三十丸

醫餘

腸胃流熱

腸胃流熱則糞門暴腫用蝸牛細研塗之則消腸風痔疾

腸風痔疾

痔漏風臟毒

痔腸風臟毒一體病也極難得藥亦緣所以致疾不同雖良藥若非對病固難一槩取效常人酒色飲食不節臟腑下血是謂風毒若釋子輩患此多應飽食久坐體氣不舒而得之乃脾毒也王渙之知舒州下血不止邪人朝議大夫陳宜父令其四時取其方栢

葉如春取東枝之類燒灰調二錢服而愈子得方後官賴上以治二車吳令昇亦即效提點司屬官陳逸大夫偶來問疾吳倅告以用陳公之方而獲安陳君蹙額曰先人也仍須用反栢為佳道場慧禪師曰若釋子恐難用此不若灼艾最妙平直量脊脊與臍平處椎上灸七壯或年深更於椎骨兩傍各一寸灸如上數無不除根者又予外兄劉向為嚴掾予過之留飲訝其瘦瘠問之荅曰去歲臟毒作凡半月自分必死得一藥服之至今無苦問何藥不昔言再三扣始言只這卓子上有之乃是乾柿燒灰飲下二錢本草曰柿治腸癖解熱毒消宿血有病者宜求之素問腸

癖為痔

治名

言曰多腸風下血之已足掉林熟天始不二幾本草

人患腸風下血者何也人腸皆有脂裹之厚則腸實而安腸中本無血血緣有風或有熱以消其脂腸遂薄滲入身中血初患者必服冷藥而愈服之過當則腸寒而脂不生其血必再作凡熱者其血鮮冷者其血青黑察其冷熱用藥可也醫餘

復能見酒利

有人日逐飲酒遂成酒利骨立不食但飲酒一兩盞作利幾年矣因與香茸元一兩服遂止蓋麝能治酒毒香茸東好之與夫天隨之驗耶而愈也

論曰中臟毒下血醫餘

洛陽一女子年四十六七耽飲無度多食魚蟹攝理之方淺如也後以飲啖過常蓄毒在臟日夜二三十次大便與膿血雜下大腸連肛門痛不堪任醫以止血痢藥不效又以腸風藥則益甚蓋腸風則有血而無膿凡如此已半年餘去血漸弱食漸減肌肉漸瘦稍服熱藥則腸愈痛血愈下服稍涼藥則泄注氣羸粥愈減服溫平藥則病不知將暮歲醫告術窮垂命待盡或有人教服人參散病家亦不敢主當謾與服之才一服知二服減三服膿血皆定自此不十服其病遂愈後問其方云治大腸風虛飲酒過度挾熱不

痢膿血疼痛多日不差樗根白皮人參各三兩為末  
二錢七空心温酒調不飲酒以温米飲代忌油膩濕  
麵青菜果子甜物雞魚蒜等衍

脫血

臂多青脉曰脫血尺脉緩瀋謂之解休安卧脉盛謂  
之脫血卧久傷氣也

癰疽

服食發疽

齊王待醫遂病自煉五石服之臣意往過之遂請意  
曰不肖有病幸診遂也臣意即診之告曰公病中熱  
論曰中熱不洩者不可服五石石之為藥精悍公服

困

之不得數洩亟勿服色將發癰遂曰扁鵲曰陰石以  
治陰病陽石以治陽病夫藥石者有陰陽水火之劑  
故中熱即為陰石柔劑治之中寒即為陽石剛劑治  
之臣意曰公所論遠矣扁鵲雖言若是然必審診處  
度量立規矩稱權衡合色脉表裏有餘不足順逆之  
法參其人動靜與息相應乃可以論論曰陽疾處內  
陰形應外者不加悍藥及鏡石夫悍藥入中則邪氣  
辟矣而宛氣愈深診法曰二陰應外一陽接內者不  
可以剛藥剛藥入則動陽陰病益衰陽病益著邪氣  
流行為重困於俞反始喻忿發為疽意告之後百餘日  
果為疽發乳上入闕益死此謂論之大體也必有經

惡

紀拙工有一不習文理陰陽失矣誠  
齊侍御史成自言病頭痛臣意診其脉曰君之病惡  
不可言之即出獨告成弟曰此病疽也內發於腸胃  
之間後五日當癢腫後八日嘔膿死成之病得之飲  
酒且內成即如期死所以知成之病者臣意切其脉  
得肝氣肝氣濁而靜此內關之病也脉法曰脉長而  
弦不得代四時者其病主在於肝和即經主病也代  
則絡脉有過經主病和者其病得之筋髓裏其代絕  
而脉貴者病得之酒且內所以知其後五日而癢腫  
八日嘔膿死者切其脉時少陽初代者經病病去

和

故

過人人則去絡脉主病當其時少陽初關一分故中  
熱而濃未發也及五分則至少陽之界肝心相去五  
分故曰五日  
也及八日則嘔膿死故上二分而膿發至界而癢腫  
盡泄而死熱則上熏陽明爛流絡流絡動則脉結發  
脉結發則爛解故絡交熱氣已上行至頭而動故頭  
痛史記

治背瘡

京師人司仲因言里人父患背瘡若負火炭晝夜呼  
叫其子泣於途遇道人曰子何憂之深也告之道人  
曰子當求不耕之地遇野人糞為蟲鳥所殘即以杖  
去其糞取其下土篩而傳之乃如其言用之立愈父

潰

曰豈以水著吾背邪吾五臟俱寒矣  
楊立之自廣府通判歸楚州喉間生癰既腫潰而膿  
血流注曉夕不止寢食俱廢醫者束手適楊吉老未  
赴郡守招立之兩子走往邀之至熟視良久曰不須  
看脈已得知矣然此疾甚異須先啖生薑片一斤乃  
可投藥否則無法也語畢即出子有難色曰喉中潰  
膿痛楚豈食生薑立之曰吉老醫術通神其言不妄  
試取一二片嚼我如不能進則展去無害遂食之初  
時殊為其香稍復加益至半斤許痛處已寬滿一介  
始覺味辛辣膿血頓盡粥餌入口了無滯碍明白招

屏

問

吉老謝而問之對曰君官南方多食鷓鴣此禽好啖  
半夏久而毒發故以薑製之今病源已清無服他藥  
子記唐小說載崔魏公暴亡醫梁新診之曰中食毒  
僕曰常好食竹雞梁曰竹雞多食半夏苗蓋其毒也  
命煇生薑汁折齒灌之遂復活甚與此相類

治癰疽

房州虞候張進本北方人因送還郡守逢道人買酒  
與飲得其治癰疽方寄居文錄曹子病背瘡醫不能  
療聞進有此技試呼之進元無手訣但以成藥塗傳  
未旬日而愈張子温五歲兒生瘡於鬢邊繼又發於  
腦後證候可憂亦以付進凡所用皆一種不過三夕

二者皆平温與之錢而問之進不復有隱謹以告但擇阿膠透徹者一兩水半升煎令消然後入魏丹一兩慢火再熬數數攪均俟三五沸乃取出攤令極冷貯於瓶罌中如用時以毛掃布瘡四面而露其口如瘡未成則遍塗腫處良久自消切勿犯手更無他法雖一切惡瘡皆可傳治不特癰疽也同上

治癰疽方

欵丞胡權在都下遇異人授以治癰疽內托散方曰吾此藥能令未成者速散已成者速潰敗膿自出無用手擠惡肉自去不假刀砭服之之後痛苦頓減其法用人參當歸黃芪各二兩芎藭防風厚朴桔梗白

芷甘草各減半皆細末別入桂末一兩令均每以三五錢熱酒調服以多為妙不能飲者木香湯調然不若酒服為奇

療癰毒

向友正元仲之子也淳熙八年為江陵支使攝公安令癰發於胸臆間極療半歲弗愈嘗欲罷痛甚委頓而卧似夢非夢見一丈夫微揖而坐傳藥方與之曰用淡藥瓜萋乳香三味酒煎服之且言桃源許軫知縣亦有此方但不用瓜萋若用速效宜服此友正敬謝即如所戒不終劑而愈後詣玉泉禱雨瞻壽亭關王像蓋所感夢者因繪事於家類編

發背無補法

王荆公發背無補法會傳外流後有隱隱以告但  
諺云背無好瘡但生於正中者為真發背虞奕侍即  
背中生小瘡不悟只以藥調補數日不疼不痒又不  
滋蔓疑之呼外醫灸二百壯已無及此公平生不服  
藥一年未准覺時時乎脚心熱疾作既不早治又服  
補藥何可久也泊宅編

手早

結癰

五臟不和則九竅不通六腑不和則留結為癰  
預療背疽

揚州名醫楊吉老其術甚著某郡一士人狀若有疾  
厭厭不聊莫能名其何等病苦往謁之楊曰君熱證

計

已極氣血消鑠且盡自此三年當以疽死不可為也  
士人不樂而退聞茅山觀中一道士於醫術通神但  
不肯以技自名未必為人致力士人心計交切乃衣  
僮僕之服詣山拜之願執薪水之役於席下道士喜  
留賓弟子中誨以讀經晝夜祇事左右熙旨如意歷  
兩月久覺其與常隸別呼扣所從來始再拜謝過以  
實白之道士笑曰世間那有醫不得底病汝試以脉  
示我纔診脉又笑曰汝便可下山吾亦無藥與汝但  
日日買好梨喫一顆如生梨已盡則取乾者泡湯飲  
之仍食其滓此疾自當平士人歸謹如其戒經一歲  
復往揚州楊醫見之驚其顏貌腴澤脉息和平謂之

梨



曰君必遇異人不然豈有痊安之理士人以告楊立  
具衣冠焚香望茅山設拜蓋自咎其學之未至也北  
瑣夢言載醫者趙鄂云一朝士疾危只有一法請刺  
喫消梨不限多少如咀嚼不及挨汁而飲或希萬一  
用其言遂愈此意正同類編  
雲母膏愈腸癰  
楊介吉老者泗州人以醫術聞四方有儒生李氏子  
棄業願娶其女以授其學執子壻禮甚恭吉老盡以  
精微告之一日有靈壁縣富家婦有疾遣人邀李生  
以往李初視脉云腸胃間有所苦耶婦曰腸中痛不  
可忍而大便從小便中出醫者皆以謂無此證不可

屈

治故欬岳君子李曰試為籌之若姑服我之藥三日  
當有瘳不然非某所知也下小元子數十粒煎黃芪  
湯下之富家依其言下膿血數升而愈富家大喜贈  
錢五十萬置酒而問之曰始切脉時覺花脉現於腸  
部王叔和脉訣云寸花積血在胸中關內逢花腸裏  
癰此癰生腸內所以致然所服者乃雲母膏為元爾  
切脉至此可以言醫矣李後以醫科及第至博士李  
植元秀即其從子也王仲言  
餘話

釘疽

張嗣伯嘗聞屋中呻吟聲嗣伯曰此病甚重乃往視  
之見一老姥稱體痛而處處有黯黑無數嗣伯還煮

斗餘湯送令服之服訖痛勢愈甚跳投床者無數須  
臾所黯處皆拔出釘長寸許以膏塗瘡口三日而復  
云此名釘疽也記

癰瘡

唐李勣嘗疾醫診之云得鬚灰服之方止太宗遂自  
剪鬚燒灰賜服之後令傳癰瘡立愈故白樂天云剪  
鬚燒藥賜功臣仁宗皇帝賜呂夷簡古人有語鬚  
可治疾今朕翦鬚與之合藥表朕意也

脚氣

脚氣痞絕

唐柳柳州纂救死三方云元和十二年二月得乾脚

榮美頃

氣夜半痞絕左脅有塊大如石且死因大寒不知人  
三日家人號哭榮陽鄭洵蒸傳杉木湯服半食頃大  
下三次氣通塊散用杉木節一大升橘葉一升無葉  
以皮代大腹攢榔七箇合子碎之童子小便三大升  
共煮一升半分二服若一服得快利停後服已前三  
者皆死矣會有教者皆得不死恐他人不幸有類子  
病故傳焉本事方

脚氣無補法

脚氣乃風毒在內不可不攻故先當瀉之

脚心如中箭

道士王裕曰有忽患脚心如中箭發歎不時此腎之

風毒瀉腎愈上宅編

脚氣

今人謂之脚氣者黃帝所謂緩風濕痺也千金云頑弱名緩風疼痛為温痺濕

治閉結并脚氣

饒醫熊彥誠年五十五歲病前後便澀不通五日腹脹如鼓同輩環視皆不能措力與西湖妙果僧慧用相善遣信邀致訣別月驚馳而往過釣橋逢一異客風姿瀟灑出塵揖之曰方外高士何子子走趨如此月曰善友久患閉結勢不可療急欲往問客曰此易事也待奉施一藥即脫靴入水探一大螺而出曰

董

事濟矣持抵其家以鹽半匕和殼生搗碎置病者臍下一寸三分用寬帛繫繫之仍辨觸器以須其通月未深以為然姑異謝之熊昏不知人妻子聚泣諸醫知無他策謾使試之曾未安席焉然暴下醫愧歎而散月歸訪異人無所見矣熊後十六年乃終白石董守約以脚氣攻注為苦或教之槌數螺傳兩股土使覺冷氣趨下至足既而亦安類編

附船愈脚氣病

顧安中廣德軍人久患脚氣筋急腿腫行履不得因至湖州附船中有一袋物為腿酸痛遂將腿閣袋上微覺不痛及筋寬而不急乃問稍人袋中何物應曰

宣瓜自此脚氣頓愈

銘醫

有人病兩脚臂不能行

詣佗佗望見云已飽針灸

服藥矣不須復看脉便使解衣點背數十處相去或

一寸或五寸縱邪不相當言灸此各十壯灸瘡愈即

行後灸處夾背一寸上下行端直均調如引繩也

漢書

華佗

筋斷復續者取旋覆根絞取汁以筋相對取汁塗而

封之即相續如故蜀兒如逃走多刻筋以此續之百

不失一

走

漏

時康祖心漏

二十年當胸數竅血液長流屢

訪名醫皆云不可治或云竅多則愈損閉則慮穴他

岐當存其一二猶為上策坐此形神勦瘁又積苦腰

痛行則偃僂不飲酒雖雞魚蟹蛤之屬亦皆不向口

淳熙四年通判温州郡守韓子温見而憐之為檢聖

惠方載腰痛一門冷熱二證示之使自擇康祖報曰

康祖年老久羸安敢以為熱始作寒冷治療取一方

用鹿茸者服之愈旬痛減仍覺氣宇和暢遂一意專

服悉屏他藥洎月餘腰屈復伸無復呼痛心漏亦愈

蕭

以告醫者皆不能測其所以然後九年康祖自鎮江  
通判滿秩造朝訪子温則精力倍昔飲鱠無所忌步  
履輕捷云漏愈之後日勝一日子温書吏吳汝弼亦  
苦是疾使就求藥服之旬有二日而差其方本只治  
腰痛用鹿茸去毛酥炙微黃附子炮去皮臍皆二兩  
鹽花三分為末棗肉元三十元空心酒下起  
鱈魚覆漏  
馬提刑記醫先祖忠肅公天聖中以工部尚書知濠  
州家有媪病漏蓋十餘年一日老兵掃庭下且言前  
數日過市有醫自遠來道瘡漏可治特頃刻之力耳  
媪曰吾更醫多矣不信也其黨有以白忠肅公者即

傳 傳 傳

為召醫視之曰可治無疑須活鱈一竹針五七枚醫  
乃擲鱈於地鱈困屈盤就盤以竹針貫之覆瘡良久  
取視有白蟲數十如針著鱈醫即鈐置杯中端動  
如線復覆之又得十餘枚如是五六醫者曰蟲固未  
盡然其餘皆小蟲竟請以常用藥傳之時家所有檳  
榔黃連為散傳之醫未始用藥明日可以乾艾作湯  
投白礬末三二錢洗瘡然後傳藥蓋人血氣冷必假  
艾力以佐陽而艾性亦能殺蟲也如是者再即生肌  
不一月當愈既而如其言醫曰瘡一月不治則有蟲  
蟲能蠕動氣血亦隨之故瘡漏不可遽合則結痛實  
蟲所為又曰人每有疾經月不痊則必備虛勞婦人

則補脾血小兒則防驚疳二廣則拜治瘡癩醫無名  
於世而治疾有効亦良醫也又其言有理故併錄之  
方良

鱧漏

有人脚肚上生一瘡久遂成漏凡經二年百藥不効  
自度必死一村人見之云此鱧漏耳但以石灰二三  
升曰沸湯泡薰洗如覺瘡痒即是也病者如其言用  
灰湯淋洗果痒竟用此洗不三兩次遂乾

蟻漏

有婦人項下忽生一塊腫漸緣至妳上腫起莫知何  
病偶用刀刺破出清水一碗日久瘡不合有道人見

之曰此蟻漏爾緣喫飯悞食蟻得此詢婦人云常素  
喫飯時群蟻緣飯上逐之用湯泡喫往往有死蟻在  
中不覺食之道人云此易治但用穿山甲數片燒存  
性為末傳瘡上遂愈蓋蟻畏穿山甲故也

犬齧瘡得針

處士蒯亮言其所知額角患瘡醫為剖之得一黑石  
碁子巨斧擊之終不傷缺復有足脛生瘡者因至親  
家為獠犬所齧正齧其瘡其中得針百餘枚皆可用  
疾亦愈

鼠漏

柳休祖者善卜筮其妻病鼠瘡積年不差垂命休祖

遂卜得頤之復按卦合得姓石人治之當獲鼠而愈也既而鄉里有奴姓石能治此病遂灸頭上三處覺佳俄有一鼠逕前而伏呼大咋之視鼠頭有三灸處妻遂差拾遺指玉齒其齒其中斷指百餘林者百甲

李生虱瘡

浮梁李生得背痒疾隱起如覆孟無所痛苦唯奇痒不可忍飲食日以削無能識其為何病醫者秦德立見之曰此虱瘡也吾能治之取藥傳其上又塗一綿帶繞其圍經夕瘡破出虱斗許皆蠢蠕能行動即日體輕但一竅如著端不合時時虱漏出不勝計竟死予記唐小說載賈魏公鎮滑臺日州民病此魏公云

傳

世間無藥可療唯千年木梳燒灰及黃龍浴水乃能治爾正與此同

腫癭

病腫

先痛而後腫氣傷形也先腫而後痛形傷氣也風勝則動熱勝則腫燥勝則乾寒勝則浮濕勝則濡

腫

釋名曰腫鍾也寒熱氣所鍾聚也太平御覽

陰腫如升

治男子陰腫大如升核痛人所不能治者擣馬鞭草塗之

小兒陰腫

小兒陰囊忽虛腫痛以生甘草調地龍糞輕輕塗之

小兒熱毒遊腫

破草鞋人亂髮燒灰醋和傳治熱毒腫草木

婦人陰腫堅硬

用枳實半斤碎炒令熟故帛裹慰冷則易之同上

脚腫

有男子六十一歲脚腫生瘡忽食豬肉不安醫以藥利之稍愈時出外中風汗出後頭面暴腫起紫黑色多睡耳輪上有浮泡小瘡黃汁出乃與小續命湯加羌活一倍煎服之遂愈本草衍義

傳

背腫

楊愔患背腫馬嗣明以煉石塗之便差鍊石法以麤黃色石如鴉鴨卵大猛火烧令赤內醇醋中自有石屑落頻燒至石盡屑曝乾搗篩醋和塗腫上無不愈

傳腫

仁宗在東宮苦腮腫用赤小豆末傳之遂愈或云可

療發背洞微志

癭

說文曰癭頸瘡也典術曰服食天門冬治癭除百病

太平御覽

井錫鎮癭



汝州人多病頸癭彼境地饒風沙沙入井中飲其水則生癭故金房間人家井以錫為井欄皆以夾錫錢鎮之或沉錫其中則飲者免此患華亭有一老僧昔行脚河南管下寺僧僮僕無一不病癭時有洛僧共寮每食取携行苔脯同餐經數月僧項贅盡消若未嘗病寺僕嘆訝乃知海岸鹹物能除是疾

癭志

中毒

中仙茅附子毒

鄭長卿資政說少時隨父太宰官懷州一將官服仙茅遇毒舌脹出口漸大與肩齊善醫環視不能治一醫獨曰尚可救少緩無及矣取小刀釐其舌隨破隨

合勢至百數始有血一點許醫喜曰無害也舌應時消縮小即命煮大黃朴消數椀連服之以藥末并搽舌上遂愈又蓋諒郎中說其兄誥因感疾醫盧生勸服附子酒每生切大附二兩浸以斗酒旦起輒飲一盃服之二十年後再為陝西漕使諒自大學歸過之南樂縣拉同行中途曉寒誥飲一盃竟復令温半盃比酒至自覺微醉乃與妻使飲行數里妻頭腫如斗唇裂血流下駐路傍呼隨行李職醫告之李使黑豆菘豆各數合生嚼之且煎湯併飲至曉腫始消誥仍服之不輟到長安數月失明遂致仕時方四十二歲

中葷毒

傳光

崇寧間蘇州天平山白雲寺五僧行山間得蕈一叢甚大摘而煮食之至夜發吐三人急採鴛鴦草生啖遂愈二人不甚肯啖吐至死此草藤蔓而生對開黃白花傍水依山處皆有之治癰疽腫毒為妙或服或傳皆可今人謂之金銀花又曰者翁鬚本草名為忍冬并出諸果有毒再為西醫刻結自大學藥師之諸果有毒桃杏雙仁有毒五月食未成核果令人發癰疽瘡及寒熱又秋夏果落地為惡蟲緣食之令人患九漏桃花食之令人患淋杏仁不可合雞子食患內結不消本草衍義

中斑鳩毒

王面  
生  
浙人主夫人忽日面上生黑斑數點日久滿面俱黑遍求醫治不効忽遇一草澤醫云夫人中食毒爾某治之一月平復後覓其方止用坐薑一片切碎研汁將滓焙乾却用薑汁煮糊元問其故云夫人日食斑鳩蓋此物日嘗食半夏苗是以中其毒故用薑以解之名醫錄

中蜈蚣毒

鳥  
有中蜈蚣毒者以烏鷄尿水調塗咬處大蒜塗亦効又畏蛭蟪不敢過所行之路觸其身即蜈蚣死故取以治蜈蚣毒桑汁白鹽塗亦効本草衍義

藥反中毒

治諸藥相反中毒用蠶退燒灰細研一錢冷水調下  
頻服取効雖面青脉絕腹脹吐血服之即活

中魚毒

虞侍郎蘇州人平生喜食生魚鱠中年病腹堅倒身  
不得每發疼痛幾死累治不効一善醫切脉曰侍郎  
右關脉伏伏為積聚有生冷之積成癥在腹則疼不  
可忍可以藥取之令用橄欖汁吞元子藥數粒晚下  
利一盆許是魚鱠縷前一截皆成魚矣從此遂安  
名醫

中萵菜毒

王舜求云萵菜出高國有毒百蟲不敢近蛇虺過其  
下誤觸之則目瞑不見物人有中其毒者唯生姜汁  
解之趣齊

魚枕遇蟲毒

南海魚有石首者蓋魚枕也取其石治以為罌可載  
飲食如遇蟲毒罌必爆裂其効其著福唐人製作无  
精人但玩其色而鮮能識其用上

中酒毒

飲酒中毒經日不醒者用黑豆一升煮取汁温服一  
小盞不過三服即愈今人謂之中酒是也服食反悞

天蛇毒

傳

瑩

太子中允關杞曾提舉廣南西路常平倉行部邕管  
 一吏人為蟲所毒舉身潰爛有一醫言能治使視之  
 曰此為天蛇所螫疾已深不可為也乃以藥傳其瘡  
 有腫起處以鉗拔之有物如蛇凡取十餘條而疾不  
 起又予家祖瑩在錢塘西溪嘗有一田家忽病癩通  
 身潰爛號呼欲絕西溪寺僧識之曰此天蛇毒爾非  
 癩也取水皮煮飲一斗許令其恣飲初日疾減半兩  
 三日頓愈驗其水乃今之秦皮也然不知天蛇何物  
 或云草間黃花蜘蛛是也人遭其螫仍為露水所濡  
 乃成此疾露涉者亦當戒也筆中具毒者即主姜卡  
王采采中桃生毒

興化人陳可大知肇慶府肋下忽腫起如生癰瘡狀  
 頃刻間其大如盃識者云此中桃生毒也俟五更以  
 菜豆細嚼試若香甜則是已而果然乃搗川升麻為  
 細末取冷熱水調二大錢連服之遂洞下瀉出生葱  
 數莖根鬚皆具腫即消縮煎平胃散調補且食白粥  
 後亦無它又雷州民康財妻為蠻巫林公榮用雞肉  
 桃生值商人楊一者善醫療與藥服之才食頃吐積  
 肉一塊剖開筋膜中有生肉存已成雞形頭尾翮翅  
 時肖以康訴于州州捕林置獄而呼楊生令具疾證  
 用藥其略云凡喫魚肉瓜果湯茶皆可桃初中毒覺  
 胸腹稍痛明日漸加攪刺滿十日則物生能動騰上

則胸痛沉下則腹痛積以瘦悴此其候也在上昂則  
取之其法用熟茶一甌投膽礬半錢於中候礬化盡  
通口呷服良久以雞翎探喉中即吐出毒物在下昂  
即瀉之以米飲下鬱金末二錢毒即瀉下乃擇人參  
白朮各半兩碾末同無灰酒半升納瓶內慢火熬半  
日許度酒熟取溫溫服之日一盞五日乃止然後飲  
酒如其故志其類似此藥亦曾效驗麻其愈日既  
陳齊郎湖州安吉人因步春渴掬澗水兩口燕之數  
日覺心腹微痛日久疼甚服藥無効醫診之云心脾  
受毒今心脈損甚齊郎答曰去年步春渴飲澗水得

此醫云齋即喫却蛇交水蛇在澗邊遺下不淨在澗  
水內蛇已成形在齋即腹中食其心而痛也遂以水  
調雄黃服下果下赤蛇數條皆能走也名醫錄

### 中蜘蛛毒

治蜘蛛咬一身生絲辛乳一物飲之貞元十年崔員  
外從質云目擊有人被蜘蛛咬腹大如孕婦其家棄  
之乞食於道有僧遇之教飲羊乳未幾日而平草木

### 中山雞鷓鴣毒

南唐相馮延巳苦腦中痛累日不減太醫令吳廷紹  
密詰厨人曰相公平日嗜何等物對曰多食山雞鷓  
鴣廷紹曰吾得之矣投以甘草湯而愈蓋山雞鷓鴣

羊 棄

皆食烏頭半夏故以此解其毒

出南唐書

中石斑魚子毒

誤喫石斑魚子吐不止者取魚尾草研汁服少許立

止魚尾草又名槐木根形似黃荆八月間開紫花成穗葉似水楊無大樹經冬不凋漁人用以藥魚

地漿治菌毒

四明温台間山谷多生菌然種類不一食之間有中

毒往往至殺人者蓋蛇毒氣所薰蒸也有僧教掘地

以冷水攪之令濁少頃取飲皆得全活此方見本草

陶隱居註謂之地漿亦治楓樹菌食之笑不止俗言

食笑菌者居山間不可不知此法

解蟲毒呪拜方

頃有朝官與一高僧西遊道由歸峽程頓荒遠日過

中餒甚抵小村舍聞其家畜蟲而勢必就食去住未

判僧曰吾有神呪可無憂也食至僧閉目誦持俄見

小蜘蛛延緣盜吻僧曰速殺之於是竟食無所損其

呪曰姑蘇咏摩耶咏吾知蟲毒生四角父是穿隆窮

母是舍耶女眷屬百萬千吾今悉知汝摩訶薩摩訶

薩是時同行者競傳其本所至無恙別傳解毒方用

豆豉七粒巴豆去皮二粒入百草霜一處研細滴水

元菜豆大以茅香湯吞下七元又泉州一僧治金蠶

毒云才覺中毒先吮白礬味耳而不澀次嚼黑豆不

單

腥者是也但取石榴根皮煎汁飲之即吐出活蟲無  
不立愈李暉之云以白礬茶牙搗為末冷水服氏一  
切毒皆可治併載于此以貽後人志  
蘇頌初解砒毒  
凡人誤服生砒唯單飲生油以吐為度則其毒氣自  
消不能為害蘇頌初解砒毒  
治蠱毒  
嘉祐中范吏部道為福州守日揭一方於石云凡中  
蠱毒無論年代遠近但煮一鴨卵挿銀釵於內併吞  
之約一食頃取視釵卵俱黑即中毒也其方用五倍  
子二兩硫黃末一錢車草三寸一半炮出火毒一半

生丁香木香麝香各十文輕粉三文糯米二十粒其  
八味瓶內水十分煎取七候藥面生皺皮為熟絹濾  
去滓通口服病人平正仰卧令頭高覺腹中有物衝  
心者三即不得動若出以盆桶盛之如魚鰾之類乃  
是惡物吐罷飲茶一盞瀉亦無妨旋煮白粥補忌生  
冷油膩鮓醬十日後服解毒圓三兩元經旬平復丁  
木麝三香嘉祐價中十文今言之數倍乃可爾類編

解藥毒

王仲禮嗜酒壯歲時瘡瘡發於鼻延於頰心甚惡之  
服藥弗效僧法滿使服何首烏元當用二升適墳僕  
識草藥乃掘得之其去忌鐵器但入砂鉢中籍黑豆

兒

梳

蒸熟既成香味可人念所蒸水必能去風澄以額面  
 初覺極熱漸加不仁至晚大腫眉目耳鼻渾然無別  
 望之者莫不驚畏王之母高氏曰凡人感風癩非一  
 日積吾兒遇毒何至於是吾聞生薑汁赤小豆能解  
 毒山豆根黑蚌粉能消腫亟命僕搗搗薑汁以三味  
 為末調傳之中夜腫退到曉如初蓋先採何首烏擇  
 而不精為狼毒雜其中以致此梳也同上

凡中藥毒及一切諸毒從酒得者難治言酒性行諸  
 血脈流偏身體也因食得者易治言食與藥俱入於  
 胃胃能容雜毒又逐大便泄出毒氣毒氣未流於血

故易愈也解諸食毒爛嚼生丹草嚙之則毒吐出錄

蟹解漆毒

乾道五年襄陽有劫盜當死而特旨貸命黥配者州  
 牧慮其復為人害既受刑又以生漆塗其兩眼囚行  
 到荆門已盲不見物寄禁長林縣欲以待傳送適有  
 村叟以事在獄中憐而語之曰汝明日去時倩防送  
 者往蒙泉石尋石蟹搗碎之瀝汁滴眼內漆當隨  
 汁流散瘡亦愈矣如其言訪得一小蟹用之留三日  
 而行目睛如初略無少損予妹婿朱晞顏時以當陽  
 尉攝邑令親見之志

仄



獸能解藥毒

名醫言虎中藥箭食清泥野豬中藥箭逐薺苳而食  
雉被鷹傷以地黃葉帖之又礮石可以害鼠張鷟曾  
試之鼠中如醉亦不識人知取泥汁飲之須臾平復  
鳥獸蟲物猶知解毒何況人乎被矢中者以甲蟲末  
傳之

蛛為蜂螫

處士劉易隱居王屋山嘗於齋中見一大蜂粘於蛛  
網蛛搏之為蜂所螫墜地俄頃蛛鼓腹破裂徐徐行  
入草齒芋梗微破以瘡就嚙處磨之良久腹漸消輕  
躁如故自後人有為蜂螫者按芋梗傳之而愈

傳

網

傳

保靈丹

往時川蜀俗喜行毒而成都故事歲以天中重陽時  
開大慈寺多聚人物出百貨其間號名藥世者於是  
有於窻隙間呼貨藥一聲識其意亟投以千錢乃從  
窻隙度藥一粒號解毒元或一粒可救一人命夫迹  
既巨測故時多疑出於神仙政和間 祐陵以仁聖  
惠天下嘗即上清寶籙宮之前新作兩亭左曰仁濟  
主給藥治疾苦右曰輔正主符水除邪鬼因遂詔海  
內氏藥之治病彰彰有聲者悉索其方書而上之焉  
於是成都守臣監司奉命相共窮其狀乃得售解毒  
元家蓋世世懼行毒者為讐害故匿其迹非有所謂

嘗

神仙者既據方修治得其合即拜藥奏御下殿中省  
上曰朕自弛天子所服御以濟元元母煩有司也繇  
是殿中省群醫諸師驗其方則王氏博濟方之保靈  
丹爾當是時猶子行適領殿中監事故獨得其詳吾  
落南未用是藥嘗救兩人食胡蔓草毒得不死蓋不  
可不書 百衲居士鐵林山題味問 新刻心一聖  
園山叢談  
醫說卷第六冊行焉為錄卷者按手板傳之而愈

醫說卷第七

新安張果李明集  
明江夏後學羅練鄧正初校  
劉永富郁盡錄

傷滯用藥不同

人之臟腑皆因觸冒以成疾病而脾胃最易受觸蓋  
日用飲食稍或過妙則停積難化冷熱不調則吐嘔  
泄痢膏粱者為尤甚蓋口腹恣縱不能謹節近用消  
化藥或論飲食既傷於前難以毒藥反攻其後不復  
使巴豆硃砂等藥止 麴藥之類不知古今立方用

石

又

藥各有主對翹藥止消化米穀如肉食有傷則非  
 研砂阿魏等藥不能治也至於魚蟹過傷則須用橘  
 皮紫蘇生薑果菜有傷則須用丁香桂心水飲傷則  
 須用牽牛芫花固不可一槩論也必審其所傷之因  
 對用其藥則無不愈其間輕重則隨患人氣血以增  
 損之而已又有一等虛人沉積不可直取當以蠟置  
 其藥蓋蠟能粘逐其病文可久留腸胃間文不傷氣  
 能消磨至盡也又有脾氣偏虛飲食遲化者止宜助  
 養脾胃則自能消磨不須用剋化藥耳病久成積聚  
 癥瘕者則須用三稜鱉甲之類寒冷成積者輕則附  
 子厚朴重則礬石百硫黃瘀血結塊者則用大黃桃仁

之類醫者宜審詳之 雞峯方

物能去積

厨家索粉與掉粉不得近杏仁近之則爛頃有一兵  
 官食粉多成積師以積氣丸杏仁相半細研為丸五  
 丸熟水下數服愈  
 撫醫新說中有人食黃鷄子過多因食鷄子羹遂愈  
 有傷粽子成積用麴末加少木香為散鹽湯調數日  
 口中聞酒香其積遂散 三說醫餘

食藥

凡人服食藥一例須用巴豆是大不然養生必用方  
 主張青木香丸亦未是也巴豆去積牽牛利水不可

一藥用且如傷食米麩之類當用神麩麥蘖傷肉當  
用阿魏氣不快當用丁木香青陳皮磨積塊用三稜  
蓬朮取熱積用大黃冷積用巴豆痰積用牽牛血積  
用乾漆此其大畧更以意推之上同必審其所傷之因  
治積用藥  
大抵治積或以所惡者攻之以所喜者誘之則易愈  
如硃砂水銀治肉積神麩麥蘖治酒積水蛭蜜蟲治  
血積水香檳榔治氣積牽牛耳遂治水積雄黃膩粉  
治涎積巴豆治水積各從其類也若用群隊之藥分  
其勢則難取效許嗣宗所謂獵不知兎廣給原野冀  
一人獲之術亦踈矣須是認得分明是何積聚然後

增加用藥不爾反有所損嗣宗自謂不著書在臨時

變通也  
本事方

擲撲打傷

馬墮

齊中郎破石病淳于意診其脉告曰脉傷不治當後  
十日丁亥溲血死即後十一日溲血而死破石之病  
得之墮馬僵石上所以治破石之血者切其脉得肺  
陰氣其來散數道至而不一也色又乘之所以能知  
其墮馬者切之得番陰脉番陰脉入虛裏乘肺脉肺  
脉散者固色變也乘之所以不中期死者師言曰病  
者安穀則過期不安穀則不過期其人嗜黍主肝故

過期所以洩血者診脉法曰病喜養陰處者順死喜  
養陽處者逆死其人喜自靜不躁又久安坐伏几而  
寐故血下泄記  
許元公入京師赴省試過橋墮馬右臂臼脫路人語  
其僕曰急與接人曰中若血漬臼則難治矣僕用其  
說許已昏迷不覺痛遂就轎昇歸邸或曰非錄事由  
馬騎不能了此疾急召之至已入暮秉燭視其面曰  
尚可治乃施藥封腫處至中夜方甦達且痛止去其  
封損處已白其青瘀乃移在臼上自是日日易之腫  
直至肩背於是以藥下之瀉黑血三升五日復常遂

治臂臼脫

脫

得赴試盖用生地黄研如泥木香為細末以地黄膏  
攤紙上摻木香末一層又再攤地黄貼腫上此正治  
打撲傷損及一切癰腫未破令內消云類

龜獻奇方治傷折

治腕折傷筋損疼痛不可忍用生地黄一斤切藏瓜  
薑糟一斤生薑四兩切右都炒令均熟以布裹疊傷  
折處冷則易之曾有人傷折宜用生龜尋捕一龜將  
殺患人忽夢見龜告言曰勿相害吾有奇方可療夢  
中授此方本事

打撲傷損

打撲傷損瘀血凝滯氣因不行關竅皆不通大便必

閉壯者可服洗心散老弱者可服七宣檳榔凡有此證須問臟腑所打處疼痛若傷處大痛大便三兩日不通然後可下前二藥若大便閉傷處不甚猛痛則不可服宜沒藥當歸之類醫書言其性下寒安  
長安石史君嘗至通衢有從後呼其姓第者曰吾無求於人念汝有難故來救汝出一紙卷授石曰有難則用之乃治折傷內外損方書也明年因趨朝坐馬為它馬所蹊折足墜地又踢一臂折家人急合此藥且灌且裹至半夜痛止後手足皆堅牢如未傷時方本出良方用川當歸鉛粉各半兩鵲砂二錢同研令

木

細濃煎蘇木汁調服一大匙損在腰以上先喫淡粥半碗然後服藥在腰以下即先服後食仍頻頻呷蘇木汁別作糯米粥入藥末拌和攤紙上或絹上封裹傷處如骨碎用竹木夾定乃以紙或衣物包之其妙如此故表而出之

又

汀州涇口市民陳公誦觀音經甚誠慶和初出行擲折一足忍痛叫菩薩越三晝夜慶一僧拄杖持鉢登門問所苦陳曰不幸折一足貧無力訪醫只得告佛僧曰不用過憂吾有一方接骨膏正可治汝便買菜豆粉於新鐵鉢內炒令真紫色旋汲井水調成稀膏

踰傳

然後厚傳損處須教徧滿貼以白紙將杉木縛定其  
効如神不必假他劑也語訖僧忽不見陳亦寤如方  
脩治用之則愈不詳林氏食無肉積習只醫毒  
紹熙五年秋湖口人林四因日暮馳馬顛墜折一足  
骨斷招外醫莫肯治經旬痛甚偶一道人過門聞其  
聲而問故入視曰續筋接骨非敗龜殼不可此却難  
得要生者甚易道人曰但得殼足矣生與敗等也語  
訖即退林招眾醫議之皆云一足所傳多少龜殼灰  
可辨茲去五里許江畔有大龜身濶二尺常踰伏泥  
中捕而脫其殼燒灰傳損處計其收効賢於小者百

報

數也時已昏暮未暇遣僕半夜後鄰室張翁者夢烏  
衣人來訪自通為江畔老龜衰投甚切云林四折足  
醫欲殺吾取殼以療傷望一言救護張謝曰老夫愚  
鈍如何施力烏衣云只煩夫人詣林氏諭眾醫曰往  
日曾有龜傳一方於人而贖命者用淹葢取糖罨斷  
處次將杉木板夾縛定方書亦嘗記載如便增赤小  
豆一味拌入糟中然後板夾不過三日即十全安愈  
願翁便為告之異日當圖報補遂去黎明張如所戒  
林與醫皆喜而從之應期而驗類編

熱葱涕愈傷指

崔給事頃在澤潞與李抱真作判官李相方以毬杖

邊

按毬子其軍將以杖相格承勢不能止因傷李相拇  
 指并爪甲擘裂連索金瘡藥裹之強坐頻索酒飲至  
 數盃已過量而面色愈青忍痛不止有軍吏言取葱  
 新折者便入溘灰火煨熟剥皮擘開其間有涕取菴  
 損處仍多煨取續續易熟者凡三易之面色却赤斯  
 須云已不痛凡十數度易用熟葱拜涕裹纏遂畢席  
 笑語本事打撲損傷打撲損傷自然銅有人飼折翅鴈後遂飛去今人打撲損傷研  
 極細水飛過同當歸沒藥各半錢酒調頻服仍以手  
 摩痛處本草

改

墜馬折足

定州人崔務墜馬折足醫令取銅末和酒服之遂痊  
 平及亡後十餘年改葬視其脛骨折處有銅末束之

朝野  
愈事

蹴鞦韆墜損

宣和中有一國醫忽承快行宣押就一佛刹醫內人  
 限目今便行鞦韆至則叔未有人須吏臥轎中扶下  
 一內人快行送至奉旨取軍令狀限日下安痊醫診  
 視之已昏死矣問其從人皆不知病之由皇恐無地  
 良久有二三老內人至下轎環而泣之方得其實云  
 因蹴鞦韆自空而下墜死醫者云打撲損傷自屬外



自

科欲申明又恐後時參差不測再視之微覺有氣忽  
憶藥篋中有蘇合香丸急取半兩於火上焙去腦麝  
酒半升研化灌之至三更方呻吟五更下惡血數升  
調理數日得痊予謂正當下蘇合香丸蓋從高墜下  
必挾驚悸血氣錯亂此藥非特逐去瘀血而又醒氣  
醫偶用之遂見功此藥居家不可闕如氣逆鬼邪殭  
殞傳尸心痛時疾之類皆治良方載甚詳須白合為  
佳耳

本方

搓衮舒筋

道人詹志求信州人初應募為卒隸鎮江馬軍三十  
二歲因習駢騎墜馬右脛折為三段頓且絕軍師命

丁

昇歸營醫救鑿出敗骨數寸半年稍愈扶杖緩行骨  
空處骨皆再生獨脚筋攣縮不能伸既落軍籍淪於  
乞丐經三年遇朱道人亦舊在轅門問曰汝傷未復  
初何不求醫對曰窮無一文豈堪辦此朱曰實不費  
一文但得大竹管長尺許鑽一穴敷繫以繩掛于腰間  
每坐則置地上舉足搓衮之勿計工程久當有效詹  
用其說兩日便見骨髓寬暢故猛伸之與常日差遠  
不兩月病筋悉舒與未墜時等子頃見一子章以病  
足故作轉軸踏脚用之其理正同不若此為簡便無  
力者立可辦也

癸志

奇疾

簪溜盥手龍伏藏指爪中

石藏用近世良醫也一士人嘗因承簪溜盥手覺為物觸入指爪中初若絲髮然既數日稍長如線伸縮不能如常始悟其為龍伏藏也乃見石藏用扣其治療之方藏用曰此方書不載也當以意去之可未蜚蝗塗指庶不深入骨膜冀他日免震厄之患士人如其言後因迅雷見火光遍身士人懼急以針穴指果見一物自針穴所躍出不能為穴李定云滕樞密翰叢記婦人異疾陳子直主簿妻有異疾每腹脹則腹中有聲如繫鼓

遠聞于外行人過門者皆疑其家作樂腹脹消則鼓聲亦止一月一作經十餘醫皆莫能明其疾

嘔物如舌

鎮陽有士人嗜酒日嘗數斗至午夜飲與一發則不可遏家業殘破一夕大醉嘔出一物如舌初視魚痕竅至欲飲時眼徧其上直齷然而起家人沃之以酒立盡至常日所飲之數而止遂投之猛火急爆烈為十數片士人自此惡酒

消食籠

齊諧記云江夏郡安陸縣隆安中有人姓郭名坦兄弟三人大兄得天行病後遂大能食一日食斗米其

家給可五年貧罄後乞至一家門前已得飯又復乞  
於其後門此家出語之汝已就前門食了那得復從  
後門來其人答曰實不知君家有西門復大飢不可  
忍後門有三畦薤而一畦大薤因啗之兩畦便大悶  
極臥地須臾大吐吐一物如籠因出地漸漸小主人  
持飯出不復食遂撮飯著所吐物上即消成水此病  
尋差東坡物類相感志元火大補藥出六神效古時此藥  
能治婦人腹內鐘鳴用鼠窟前畚土研羅為末每服  
二錢麝香湯調其疾立愈

汾州三 解瘡兒出

異苑曰晉時長山趙宣母任身如常而解上痒搔成  
瘡兒從瘡出母子平安太平御覽

人面瘡

江左有商人左膊上有瘡如人面亦無它苦商人戲  
滴酒口中其面亦赤色以物食之亦能食食多則覺  
膊內肉脹起或不食之則一臂痺有善醫者教其歷  
試諸藥不問草木之類悉試之無苦至貝母其瘡乃  
聚眉閉口商人喜曰此藥可治也因以小葦筒投其  
口灌之數日成痂遂愈然不知何疾也本事方

啖物不知飽

簣

江南逆旅中一老婦啖物不知飽徐德占過逆旅老婦憇以饑其子耻之對德占以蒸餅啖之盡一竹簣約百餅猶稱饑不已日飯一石米隨則利之饑復如故京兆醴泉主簿蔡繩予友人也亦得饑疾每坐立須啖物稍遲則頓仆悶絕懷中常置餅餌雖對貴官遇饑則便齧啖繩有美行博學有文為時聞人終以此不幸無人識其疾每為之哀傷筆談無字苦向人知

腸痒疾

傅舍人忽得腸痒之疾至劇時往往對眾失笑吃吃不止此疾古人所未有脰齋閑覽

王氏異疾

汾州王氏得病右脇有聲如蝦蟇常欲手按之不則聲聲相接群醫不能辯聞留陽山人趙巒善診巒曰此因驚氣入于臟腑不治而成疾故常作殼王氏曰因邊水行次有大蝦蟇躍高數尺巒作一殼氏忽驚叫便覺右脇牽痛自後作聲尚似蝦蟇也久未差巒乃診王氏脉右關脉伏結積病也故正作積病治用六神丹泄下青涎類蝦蟇之衣遂差名醫錄

療飢疾

從政郎陳撲富沙人母高氏年六十餘得飢疾每作時如蟲齧心即急索食食罷乃解如是三四年畜一猫極愛之常置于傍猫叫則取魚肉和飯以飼一日

猫適叫命取鹿脯自嚼而啖猫至于再覺一物上觸  
喉間引手探得之如拇指大墜于地頭尖匾類塌沙  
魚身如蝦殼長八寸漸大伴兩指其中盈實剖之腸  
肚亦與魚同有八子胎生蠕蠕若小鯀人皆莫能識  
為何物蓋聞脯香而出高氏疾即愈類編

千金論凡小兒病者是娠婦被惡神導其腹中令小  
兒病也魁小鬼也其病證微微不利寒熱毫毛鬢髮  
鬢鬢不悅者是也宜服龍膽湯凡婦人先有小兒未  
能行而母更有娠使兒飲此乳亦作魁也令兒黃瘦  
骨立髮落壯熱也保生

足面奇瘡

臙

趙先生字子固母劉氏年幾八十左足面一瘡下連  
大指上延外踝以至臙骨每歲輒數發發必兼旬累  
月昏暮癢甚爬搔移時出血如泉呷吟痛楚殆不可  
忍夜分即漸已明日復然每一更藥則瘡轉大而劇  
百試不驗如是二十餘年淳熙甲辰仲冬之末先生  
為大府丞一夕其病大作相對悲泣無計困極就睡  
夢四神僧默坐一室旁有長榻先生亦坐因而發嘆  
一僧問其故先生荅之以實僧云可服牛黃金虎丹  
又一僧云朱砂亦可既覺頗驚異試取藥半粒強服  
之良久腹大痛舉家且悔俄而下礪硯物如鐵石者

數升是夕瘡但微痒不痛而無血數日成痂自此遂  
愈硃砂之說竟不復試先生因圖僧像如所夢者而  
記其事金虎丹方出和劑本治中風痰涎壅塞所用  
牛黃龍腦膩粉金箔之類皆非老人所宜服今乃取  
竒効意此疾積熱臟腑而發於皮膚歲久根深未易  
蕩滌故假涼劑以攻之不可以常瘡論也神僧之夢  
蓋誠孝所感百一選方  
產後腸痒  
針線袋主婦人產後腸中痒不可忍以袋安所臥褥  
下勿令人知之本草  
甄氣薰面腫

張德俊云頃年和倅餘杭人將赴官因蒸降真木犀  
香自開甑面仆甑面上為熱氣所薰面即浮腫口眼  
皆為之閉更數醫不能治最後一醫人云古無此證  
請以意療之於是取僧寺久用炊布燒灰存性隨傳  
消不半月而愈蓋以炊布受湯上氣多反用以出湯  
毒亦猶以鹽水取鹹味爾醫者之智亦可喜百一  
蛟龍病  
古有患者飲食如故發則如癩面色青黃小腹脹滿  
狀如妊孕醫者診其脉與證皆異而難明主療忽有  
一山叟曰聞開皇六年灞橋有患此病蓋因三月人  
日邊水食芹菜得之有識者曰此蛟龍病也為龍遊

執見

於芥菜之上不幸食之而病也遂以寒食錫毒劑五  
合服之數劑吐出一物雖小但似蛟龍狀而有兩頭  
其病者依而治之獲愈名醫錄  
何解元陳留人也一日會飲於趙脩武宅酒至數盃  
忽見盃底有似一小蛇嚙入口亦不覺有物但每每  
思而疑之日久覺心疼自思小蛇長大食其五臟明  
年又因舊會趙宅恰才熱盃又見小蛇乃放下盃細  
看時趙宅屋梁上掛一張弓却是弓稍影在盃中因  
此解疑其心疾遂無乃是致疑而成病也銅野口雜  
聚野對產婦腹中瘳

箭斨及鏃王婦人產後腹中瘳安所臥蓆下勿令婦  
人知本草

食鱠吐蝦蟇

永徽中崔爽者每食生魚三斗乃足於後飢作鱠未  
成爽忍飢不禁遂吐一物如蝦蟇自此之後不復能  
食鱠矣宣室志

瘳破雀飛

金州防禦使崔堯封有親外甥李言言者左目上臉  
忽瘳而生一小瘳漸大長如鴨卵其根如弦恒壓其  
目不能開堯封每患之他日飲之酒令大醉遂剖去  
之言言不知覺也瘳既破中有黃雀鳴噪而去聞奇錄

堯

蛇在皮中  
華佗別傳曰瑯琊有女子右股上有瘡痒而不痛愈而復作佗曰當得稻糠色犬繫馬頭走出五十里斷頭向痒乃從之須臾有蛇在皮中動以鐵橫貫引出長三尺許七日便愈  
東漢注又獨異記所載與此相類

石鏡

在日南國之西南有石鏡方數百里光明瑩徹可鑿五臟六腑亦名僊人鏡國人若有疾輒照其形遂知病起某臟採藥餌之無不差者

直閣將軍房伯玉患冷疾夏日常複衣張嗣伯為診

捉口

之叔

之曰卿熱須以水發非冬月不可至十一月令一人夾捉伯玉解衣在石上取冷水從頭澆之盡二十斛伯玉日噤家人吳請止不可又盡水百斛伯玉始能動見背上彭彭有氣俄而起伯玉曰熱不可忍乞冷飲嗣伯以水與之一飲一斗病遂差  
史記

人漸縮小

正德時楚人姓潘行三者身甚肥壯卒日縮如嬰兒人皆不知其故後詢文平生服礪以致如此始信縉叔之事不妄鄭正初神識

世有奇疾者呂縉叔以制誥知潁州忽得疾但縮小臨終僅如小兒古人不曾有此疾終無人識

視直如曲

有一人家妾視直物如曲弓弦界尺之類視之皆如鈎醫僧奉真親見之  
筆二說



寒熱注病

且

又有婦人長病經年世謂之寒熱注病冬月中醫他  
令坐石槽中平且用冷水沒灌云當滿百始七十灌  
冷戰欲死他令滿數至八十灌熱氣乃蒸出胃當然  
高二三尺至滿百灌他乃使燃火温牀厚覆衣良久  
汗冷出著粉燥便愈  
又有病腹中攻痛十餘日鬢髮墮落華佗曰是脾  
半腐可剗腹治也使飲藥令卧破腹就視脾果半腐  
壞以刀斷之割去惡肉以膏傅之即差魏太祖聞而  
異之召佗常在左右太祖苦頭風每作心亂目眩佗

日

針膈俞隨手而愈

大怒病差

又有一郡守病華佗以為其人甚怒則差乃勿受其  
貨而不加功無可棄去留書罵之守果大怒令人追  
殺守子知之屬吏勿逐嗔恚吐黑血數升而愈

蒸之得汗

三說  
史記

晉書曰張苗雅好醫術善消息診處陳廩立得病連  
服藥發汗汗不出衆醫云發汗不出者死自思可蒸  
之如中風發温氣於外迎之必得汗也復以問苗云  
會有人疲極汗出卧葦中冷得病苦增寒諸醫與敷  
四日凡八遍發汗汗不出苗乃燒地布桃葉於上蒸

甘夫

之即得大汗便如被下傳粉身極燥乃起即愈瘰丘  
如其言果差不出但量中食食無味苦難言  
魏志曰耳陵相天人有娠腹痛不安方得六月他視  
脉曰胎已死矣使人手摸知所在在右則女在左則  
男人云在左於是為湯下之果下男形則愈

齊書曰徐嗣伯常有人偃患滯冷積年不差嗣伯為  
診之曰尸注也當得死人枕煮服之乃愈於是往古  
冢中取枕枕已一邊腐闕服之即愈後秣陵人張景  
年十五腹脹面黃衆醫不能療以問嗣伯此石蛇尔

極難療當得死人枕煮服之依語煮枕以湯投之得  
大利并蛇蟲頭堅如石者五升病即差後沈僧翼患  
眼痛又見多鬼物以問嗣伯嗣伯曰邪氣入肝可覓  
死人枕煮服之服竟可埋枕於故處如其言又愈王  
晏問之曰二病不同而皆用死人枕而俱差何也答  
曰尸注者鬼氣伏而未起故令人沉滯得死人枕促  
之鬼氣飛越不得復附體故尸注可差石蛇者久蛇  
也醫療既癖蛇蟲轉堅世間藥不能遣所以須鬼物  
驅之然使可散故令煮死人枕也夫邪氣入肝故使  
眼痛而見魍魎應須邪物以鈎之故用死人枕也氣  
因枕去故復埋於冢間也

太平御覽

因辨其病悲思... 州監軍病悲思... 守李宋卿御史... 宋卿一造問責... 穀獨氣... 殿中丞姚程... 發怒四肢受病... 藥以藥攻之... 則愈矣後三年... 思生腎縮

碎

思村王氏之子生七日兩腎縮一醫云硫黃茱萸研大蒜塗其腹仍以茵草蛇牀子薰之遂愈蓋初受寒氣而然也

飲水得疾

有黃門奉使交廣... 驚問黃門曰卿有疾否... 且渴遂飲水覺腹中堅痞... 煮服之立吐一物長數寸... 水中俄頃長數尺復以苦酒沃之... 日已生一龍矣上甚訝之

誤吞金鎖

雜錄



卒夜直更舍為蛇齧腹明且赤腫欲裂以此飲之即愈愈速堅被毒蛇傷治法有人被毒蛇傷良久已昏困有老僧以酒調藥二錢灌之遂蘇及以藥滓塗咬處良久復灌三錢其苦皆去問之乃五靈脂一兩雄黃半兩為末爾有中其毒者用之無不驗本草南海地多蛇而廣府治尤甚某侍郎為帥聞雄黃能禁制此毒乃買數百兩分貯絹囊掛于寢室四隅經月餘日卧榻外常有黑汁從上滴下臭且臊使人穿

承塵窺之則巨蟒橫其上死肉矣於是盡令撤去障蔽死者長丈許大如柱旁又得十數條皆蟠蚪成窠它屋內所驅放者合數百自是官舍為清類編

蛇蟲所傷

凡蛇傷蟲咬倉卒無藥去處以大藍汁一碗雄黃末二錢調均點在所傷處併令細細服其汁神驗如無藍以澱花青黛代之

山林日用法

每欲出時用雄黃一桐子大火上燒煙起以薰脚襪草履之類及袍袖間即百毒不敢侵害邪祟遠避方同上



也本入毒以肉厚节寸全之今以草形其根不主

治諸獸傷此物所咬其形如大風屑有香

馬咬用獨顆粟子燒灰帖鼠咬用麝香唾調塗或用

猫毛燒灰裹之猫咬用薄荷汁塗狗咬傷涎入瘡冷

人昏悶者浸椒水調茵草末塗猪咬松脂鎔作餅子

貼又屋漏中泥塗春末夏初狂犬咬人即令人狂過

百日乃得免當終身禁食大肉若食蠶蛹此毒亦發

定不可救宜忌之右先去却惡血灸瘡中十壯明日

以後日灸一壯百日乃止忌酒每七日搗韭汁飲一

二盞

狗犬所傷咬處安當自飲毒蜘蛛死痛末

沈約宋書曰張牧常為狗犬所傷醫云宜食蝦蟇鱧  
收甚難之蝦蟇含笑收常因此方 食亦即愈

犬傷

犬傷人量所傷大小爛嚼杏仁沃破處以帛繫定立

差無苦本草

又

遇惡犬以左手起自寅吹一口氣輪至戌搯之犬即

退伏錄碎

虎犬傷

虎犬咬人搽礬末內瘡中裹之止痛立愈

萬歲虫

傳

魏志曰彭城夫人夜之廁蠶螫其手呻吟無賴華佗令温湯漬手數易湯常令暖其且則愈太平御覽

磐石一兩醋半升煎之投磐末醋中浸螫處并底泥

傳亦愈

蠮螋妖蟲

蠮螋妖蟲也隱於墻壁間尿射人之影令人遍體生

瘡如湯火所傷治法用烏雞翅毛燒灰油調傳以雞

者蟲所畏故能治之瑣錄有人苦此用雞子大頭

湯火金瘡治常因此食亦愈

大黃療湯火瘡治常因此食亦愈

傳

建昌士人黃龍字昭度云有鄉人為賈泊舟潁陽月下彷彿見二人對語曰昨夕金山修供甚盛吾往赴之飲食皆血腥不可近吾怒庖者不謹漬其手昇中今已潰爛矣其一曰彼固有罪子責之亦太過曰吾比悔之顧無所及其一曰何難之有吾有藥可治但搗生大黃以米醋調傳瘡上非惟愈痛又且滅癩茲方甚良第無由使聞之爾賈人適欲之金山聞其語意冥冥之中假手以告遂造寺中詢之乃是夜有設水陸者庖人揮刀誤傷指血落食中恍惚之際若有人掣其手入鏡內痛楚徹骨號呼欲死賈人依神言療之二日愈庚堅

夷



夫

醋泥塗火燒瘡

北鎖夢言記火燒瘡方云孫光憲家人作煎餅二婢抱孩子擁爐不覺落火爐上遽以醋泥塗之至晚不痛亦無癢痕定知俗說亦不厭勿聞

傳

湯火瘡

劉寄奴為末先以糯米漿雞翅掃傷著處後摻藥末在上並不痛亦無痕大凡湯著急以鹽末摻之護肉不壞然後用藥傳之至妙

本事方

七卷之亦大醫曰

凡被湯火燒者初謹勿以冷物及井下泥尿坑泥及蜜淋濕之其熱氣得冷則却深搏至骨爛人筋也所

以人中湯火後害挛縮者良由此也

巢氏病源

兼一類治湯火呪

俚巫勿能持呪語而蹈湯火者也元仲茅得其訣為人拯治無不立差呪云龍樹王如來授吾行持北方

壬癸禁火大法龍樹王如來吾是北方壬癸水收斬天下火星辰千里火星辰必隆急急如律令呪畢即握貢武印吹之即用少許冷水洗雖火燒手足成瘡亦可療

亦可療類

欽金瘡日

欽金瘡口止疼痛用劉寄奴一味為末摻金瘡口裏

宋高祖劉裕徵時伐狄見大蛇長數尺射之傷明日

傳

復至聞有杵臼聲往覘之見青衣童子數人於榛中搗藥問其故荅曰我王為劉寄奴所射合藥傳之帝曰吾神何不殺荅曰寄奴王者不死不可殺帝叱之皆散收藥而反每遇金瘡傳之良驗寄奴高祖小字也本方治金瘡用紫藤香麝尾鍊周宓班掾捕海寇被寇以提刀所傷血出不止分明筋如斷骨如折用花葉石散掩之血不止痛亦不定有軍士李高言某在軍中被人傷中欲死見統領與藥一貼名紫金散掩之血止痛定明日瘡靨如鐵遂安又無癍痕後告統領求此方只用紫藤香麝尾鍊

剖下石碾碾細傳之救却萬千人也

名醫錄紫藤香即降真之最者

温州有匠人造屋失脚墜下地地上有鏟頭墜柱傍脚痕被傷血如湧出村中無藥有僧道光于門扇上撮得縫塵掩定血止痛定曰古人用門程塵者此也

火氣入脚生瘡

有婦人因冬間何火而股生瘡其汁淋漓人無識者後見一人云此皆火氣入内生此俱用黃栢皮為末摻之立愈如果其言後又再作適無黃栢用薄荷煎汁塗之立愈

向

疾全則漆流成瘡往視之見青衣童子數人於漆中  
往年蕪湖一漆牙相爭其一人以漆一桶自頭澆其  
為人患瘡發死有人教以鐵店磨鐵槽中泥塗之即  
愈以蟹黃金塗之亦愈項碎錄其長林密入無始昔

田舍試驗之法

藕皮散血起自庖人牽牛逐水近出野老麪店蒜齋  
乃是下蛇之藥路邊地松而為金瘡所秘轉出山  
品川南治箭鏃不出項碎錄其長林密入無始昔  
孫真人云治箭鏃在咽喉胃膈及針刺不出以螻蛄  
搗取汁滴上三五度箭頭自出足明日瘡腐如鐵  
倍食忌

鼠盜食忌

夜藏飲食於器中覆之不密鼠欲偷食不可得環器  
而走淚墮器中食之者得黃疾通身如蠟鍼藥難治  
食胡羊肉不可食松子

淡食

鹽傷筋醋傷骨淡飯喫了肥木脂勿言損氣勿記損  
心勿怒傷精勿笑傷神

飲食不可露天

凡飲酒不可放在露天恐飛絲墮飲食中食之令人  
咽喉生泡急以白礬巴豆燒灰吹入口或急擦即愈

瑣碎錄  
同上

且起

茅屋漏水墮諸脯肉上食之成癥結及暴肉作脯不肯乾者祭神肉無故自動蜘蛛及行蜂落食肉上凡食無故色變脯醋入火灸不動不得火而自動者皆能殺人不可食之夜卧當耳勿有孔吹即耳聾遠行疫乏而來勿入房成五癆且起勿開目洗面令人目溢失明每淚不得墮子目中即睛破生翳

修貞秘決

食肥羊勿過食

某見數老人飲食至少其說亦有理內侍張茂則每食不過粗飯一盞許濃膩之物絕不向口老而安寧年八十餘卒茂則每勸人必曰但少食無大飽王詰

言

龍圖造食物必至精細食不盡一匙食包子不過一二枚爾年八十卒臨老尤康強精神不衰王為予書食取補氣不飢即已飽生眾疾至用藥物消化尤傷和也劉元秘監食物尤薄僅飽即止亦年八十而卒劉監尤喜飲酒每飲酒更不食物啖少果實而已循州蘇侍郎每見某郎勸令節食飲食少則臟氣流通而少疾蘇公賤瘴鄉累年近六十而傳聞亦康健無疾蓋得此力也蘇公飲酒而不飲藥每與客食未飽公已捨已筋

張大史明道雜志

食驚不可食菹

方書言食驚不可食菹温華郎中因併啖之自此苦

腹痛每作時發不知人疑驚厥所致而未審乃以三  
物令小蒼頭食之遂得病與革類而委頓尤劇未幾  
遽死昇尸致馬廐未飲也忽小鼈無數自九竅中出  
散走廐中唯遇馬溺者輒化為水革聞身臨視培聚  
衆鼈以馬溺灌之皆即化為水於是革飲馬溺遂差  
或云白馬溺尤良温革字叔皮錄碎陳正卿云頃年與一承局同航船承局者為舟中人  
言嘗為同官差往昌國見曰蟹不論錢用白金買得  
十數枚痛飲大嚼且食红柿至夜忽大吐繼之以血  
昏不醒人病垂殆同邸有知其故者憂之忽一道人

論

云唯木香可解但深夜無此藥偶有木香餅子一貼  
試用之病人口已噤遂調藥灌即漸漸甦省吐定而

愈選百方

銅器不可蓋食

銅器蓋食器上汗滴食中令人發惡瘡內疽食性忌  
之也

炊湯不宜洗面體

炊湯經宿洗面令人無顏色洗體令人成癬未經宿  
者洗面令人亦然

食驢鬣漏肉之戒

食驢肉喫荊芥茶殺人食鼈肉同莧菜殺人茅舍漏

滴在肉上食之殺人此三事尤宜戒之

食勿勿飽勿卧

食謹勿多多則生病飽勿便卧臥則心蕩心蕩勿失

性食勿生病則藥不行

發暴

浙中人因食瓜瓠多要發吐瀉霍亂謂之發暴以致

於有不救者為何瓜瓠種之在土未交值時暖場戒

使人食之則發暴若同香茶共食則可免香茶今香

驚也人使香茶食瓜子是矣

名醫錄

凡知食欲少而數不欲頓而勿食不欲急急則損脾

法當熟嚼令細冷食不欲熱水嗽口熱食不欲冷水  
嗽口食必先食熱然後食冷

醉飲過度

酒有大毒大熱大寒凝水唯酒不冰其至熱也飲之

昏亂易人本性其至毒也若解風寒益血脉消和氣

引藥勢不過於酒也若醉飲過度益傾斗量毒氣攻

心穿腸腐脇此喪生之源也

黃帝雜忌法

一日之忌暮無飽食一月之忌晦無大醉一歲之忌

暮無遠行終身之忌暮無燃燭行房鹹傷筋醋傷骨

飽傷肺饑傷氣久視傷血久卧傷氣久立傷骨久坐

傷肉久行傷筋凡向北勿安床勿面北坐夜卧勿覆其  
頭人魘勿令燃燈喚之定死無疑正月寅日燒白髮  
吉凡寅日剪指甲午日剪足甲又燒白髮吉或幕

飲食禁

食黃頰魚不可服荆芥吳人魏幾道昔在妻家啖黃  
魚羹罷採荆芥和茶而飲少焉足底奇痒上徹心肺  
跣足行沙中馳宕而如狂足皮皆破欲裂急求解毒  
藥餌之幾兩日乃止水郵

食蜜不可食鮮

韶州月華寺側民家設僧供新蜜方熟群僧飽食之  
有某院長老兩人還至半道過村墟賣鮮不能忘纔

買食盡半斤是夕皆死

食河豚不可服藥

李惠郎中過常州王子雲縉為郡招之晨餐辦河豚  
為饌李以故不食遺歸餉妻妻方平明服藥不以為  
慮啜之甚美即時口鼻流血而絕李未終席訃音已  
至矣三說夷

飲食宜緩

王介玉頃當道傍食有一老人進言飲食須用緩蓋  
脾喜溫不可以冷熱犯之唯緩則冷熱之物至脾皆  
溫矣又因論飲食大冷熱皆傷陰陽之和見氏

陰地流泉不可飲

陰地流泉二月八月行途之間勿飲之令人夏發瘡  
瘡又損脚令軟五六月勿飲澤中停水食著魚鼈精  
令人病鼈瘕也本草王介王食禁食百一失人並言殆身底用蓋  
薑芥一名假蘇本草謂性温不然實微涼吾竄嶠嶺  
久數見食黃頰魚偶犯薑芥者必立死甚於鈎吻毒  
矣物性相反有可畏如是世人於食禁殆不可不知  
百納居士  
圖山業話禽獸蟲魚肉異不可食惟酥之氣焚辨四種  
食獸蟲魚之屬或有感沴氣所生形色髮異者皆為  
毒物謹勿食之謂物有形質變異者如獸有岐尾蟹

有獨螯羊一角雞四距是物有形色變異者如白鳥  
玄首烏雞白首白馬赤蹄白馬黑頭是也有形色無  
異其肉變恠者如落地不沾灰塵經宿肉體尚暖曝  
炙不燥入水自動之類是也有皮肉無異腸臟變故  
者如肝色青黯腎氣紫黑魚無腸膽牛肝葉孤之類  
是也有一物常食性善與它物相反過口而害人者  
如肥魚同鹿肉食之殺人羊肉同鱸酪食之害人羊  
肝得生椒破人臟猪肉得胡荽爛人臍是也有一物  
常食性平與他物相感入腹成動物者如鱸生同酥  
乳食之變諸蟲鼈肉與菟菜食之還生鼈牛肉同猪  
肉食之生寸白蟲猪羊肉以桑楮柴煮炙食之亦生



寸白蟲也

東觀漢記

居神以心乘於氣者食之亦主

勿食生鮮

因與氣相食之者主生肉同

旋殺物命以應急須既虧愛物之仁又失養口體之  
正且因未停冷動性猶存鱸生之屬損人彌甚昔有  
食魚鱸而生病者用藥下之已變蟲形而能動有鱸  
縷尚存故可驗也有食鱸肉而成積者用藥下之已  
成動物而能走類鱸狀故可驗也猪肉鱸而食之生  
蟲成病者甚多一切微細物膾旋烹不熟食之害固  
不可測為癥為瘕為疝為奇病此不可忽也食治尚難  
金匱要畧方曰春不食肝夏不食心秋不食肺冬不

食腎四季不食脾謂畜獸五臟能益人五臟春時水

旺肝氣盛脾氣敗故不食肝食之則肝氣愈盛脾氣

愈敗因成脾病則難治也或春月肝氣太盛即宜食

肺以制之又云肝病禁辛心病禁鹹脾病禁酸肺病

禁苦腎病禁甘五味遷相剋制故禁之也或肝氣太

盛因而生病亦宜辛味以制之更在心智變通不可

全執定論它臟倣此治

飽勿便睡

偶食物飽甚雖覺體倦無輒就寢可運動徐行約百

餘步然後解帶鬆衣伸腰端坐兩手按摩心腹交叉

往來約一二十過復以兩手自心脇間按擦向下約



外泄莫不由食物而過傷滋味太厚如能節滿意之  
飡省爽中之味常不至於飽甚者即頓頓必無傷物  
物皆為益糟粕變化早晚便按時精華和凝正下  
津溢食蓄神藏內守榮衛外護邪毒不能犯疾冷無  
由作故知聖人之立言垂教足以為養生之大經也  
東甯婁君中  
食治通說  
飲食以時  
飲食以時飢飽得中水穀變化冲氣和融精血以生  
榮衛以行腑臟調平神志安寧正氣充實於內元真  
通會於外和洽莫之能于一切疾患無從而作也同

干

飲食之宜舉其大畧當候已飢而後食食不厭熟嚼  
仍候焦渴而引飲飲不厭細呷無待飢甚而後食食  
不可大飽或覺微渴而省飲飲不欲大頻漿不欲耳  
酸肉無貪肥脆食不厭精細飲不厭溫熱飯無令少  
於麪菜常令稱於肉肉不厭軟煖菜不可生茹五味  
無令勝穀味肉味無令勝食氣滋味欲澹而和食時  
當謹其度故得飲食常美津液常丰身輕而不倦神  
清而少睡胸府通暢而少噫胃脘寬舒而不脹省鮮  
帶摩腹之勞免食藥耗氣之失皆目前近效也同  
粥能暢胃生津液  
張文潛粥記贈潘邠老張安道每晨起食粥一大碗

暢

空腹胃虛穀氣便作所補不細又極柔膩與腸腑相  
得最為飲食之良妙齊和尚說山中僧每將且一粥  
甚繫利害如或不食則終日覺臟腑燥渴蓋能暢胃  
氣生津液也今勸人每日食粥以為養生之藥勿夫  
笑大抵養生性命求安樂亦無深遠難知之事正在  
寢食之間耳或者讀之果笑文潛之說然予觀史記  
陽虛侯相趙章病太倉公診其脉曰法五日死後十  
日乃死所以過期者其人嗜粥故中臟實故過期師  
言曰安穀者過期不安穀者不過期由是觀之則又  
潛之言又似有証後又見東坡一帖云夜飢甚吳子  
野勸食白粥云能推陳致新利膈益胃僧家五更食

粥良有以也粥既快美粥後一覺尤不可說尤不可  
說

五味致疾

五味養形過則致病故多食鹹則凝泣而變色多食  
苦則皮稿而髮拔多食酸則肉眊皺而唇揭多食辛  
則骨痛而髮落多食辛則筋急而爪枯本事方

飲酒面青赤

飲酒者肝氣微則面青心氣微則面赤

魚無腮不可食

養生方云魚無腮不可食食之令人五月發癩巢氏病源

靈脈胃虛氣便作汗補不細又極柔膩與腸腑相  
後建志云魚無卵坏而食食之令才任且發熱疾  
意繁和魚無卵不食食終日覺臍腑燥渴蓋能暢胃  
腹面若相麻痺腹面青以麻痺腹面赤生之藥勿大  
笑大指贈面情赤赤寒亦無深遠難知之事正在  
腹面赤而發熱食辛限滿食而九此極奇觀史記  
苦腹赤而發熱食辛限滿食而九此極奇觀史記  
正和發熱而發熱食辛限滿食而九此極奇觀史記  
言曰安正和發熱不安發者不過期由是觀之則又  
信言之言又似有証後又見東坡一帖云夜飢甚與子  
醫說卷第七

勝本港校

